

AMABWIRIZA N° 01/11 YO KUWA 23/10/2011 Y'INAMA NJYANAMA Y'UMUJYI WA KIGALI YEREKEYE ISUKU MU MUJYI WA KIGALI

Inama Njyanama y'Umujyi wa Kigali;

Ishingiye ku Itegeko Ngenga n° 04/2005 ryo kuwa 08/04/2005 rigena uburyo bwo kurengera, kubungabunga no guteza imbere ibidukikije mu Rwanda mu ngingo ya 4, iya 7 igika cya 3, iya 81-84, iya 90, n'iya 96-109;

Ishingiye ku Itegeko Ngenga n° 08/2005 ryo kuwa 14/07/2005 rigena imikoreshereze n'imitunganyirize y'ubutaka mu Rwanda; mu ngingo ya 2 igika cya kabiri, iya 6, iya 13 n'iya 19;

Ishingiye ku Itegeko n° 10/2006 ryo kuwa 3 Werurwe 2006 rishyiraho Imiterere, Imitunganyirize n'Imikorere y'Umujyi wa Kigali mu ngingo ya 23, 24 n'iya 30;

Ishingiye ku Itegeko n° 54/2008 ryo kuwa 10/9/2008 rigenga uburyo bwo kwirinda no kurwanya indwara zanduza amatungo mu Rwanda mu ngingo ya 144- 154;

Ishingiye ku mabwiriza ya Minisitiri w'Ubuhinzi n'Ubworozi n°005/2006 yo kuwa 13 Nzeri 2006 arebana n' ibisabwa mu gufungura no gukoresha ahacururizwa inyama mbisi n' izitunganyije;

Ishingiye ku mabwiriza ya Minisitiri w'Ubuhinzi n'Ubworozi n°004/2006 yo kuwa 13 Nzeri 2006 arebana n' ibisabwa kuzuzwa mu gufungura no gukoresha amabagiro mu Rwanda;

Yifashishije Politiki ngenderwaho ya Minisitiri y'Ibikorwa Remezo ivuga ku isuku n'isukura (National sanitation policy);

Yifashishije Politiki ngenderwaho ya RURA igenga imitunganyirize, imikusanyirize n'imitwarire y'ibishingwe;

Yifashishije Politiki ngenderwaho ya Minisitiri y'Ubuzima ijyanye no kurengera ubuzima n'ibidukikije (national environmental policy);

Isubiye ku mabwiriza n° 04/06 yo kuwa 02/07/2006 y'Inama Njyanama y'Umujyi wa Kigali yererekeye isuku mu Mujyi wa Kigali;

Imaze kubisesengura no kubyemeza mu nama yayo yo kuwa 23/10/2011;

Itanze amabwiriza akurikira:

UMUTWE WA MBERE: INGINGO RUSANGE

Ingingo ya 1: icyo aya mabwiriza agamije

Aya mabwiriza agamije muri rusange gushyiraho uburyo bwo kubungabunga no kwita ku isuku mu Muji wa Kigali. Agamije kandi by'umwihariko:

- a) guteza imbere isuku n'isukura mu Muji wa Kigali;
- b) gushyiraho amahame remezo yerekeranye no kwita ku isuku mu buryo bwose;
- c) guteza imbere imibereho myiza y'abaturage b'Umujyi wa Kigali hazirikanwa guteza imbere isuku no gukumira indwara ziterwa n'isuku nke;
- d) gukangurira abatuye Umujyi wa Kigali iterambere rirambye rishingiye ku isuku.

Ingingo ya 2: Inshingano z'abaturage ku bijyanye n'isuku mu Muji wa Kigali

Umuntu wese uri mu Muji wa Kigali afite inshingano zo kurengera, kubungabunga, kwita no guteza imbere isuku.

Ingingo ya 3: Abarebwa n'Isuku rusange

- a) isuku y'Umujyi ku ikubitiro ireba umuturage wese w'Umujyi wa Kigali ari nawe shingiro ry'isura y'Umujyi, buri muturage w'Umujyi wa Kigali agomba kugira isuku ku mubiri, aho atuye, aho anyura n'aho akorera;
- b) isuku ireba kandi ubuyobozi bwite bwa Leta kuva ku Mudugudu kugeza ku buyobozi bw'Umujyi wa Kigali, buri Murenge ugomba gushyiraho "Club" y'isuku muri buri mudugudu iyobowe n'ushinzwe imibereho myiza mu mudugudu ikaba ifite inshingano zo gukangurira no gukurikirana ibikorwa byose by'isuku mu Mudugudu
- c) isuku inareba ubuyobozi bw'amatwari, Imiryango itegamiye kuri Leta n'abikorera, bagomba guteza imbere isuku mu bikorwa byabo bya buri muni nk'uko bisabwa muri aya mabwiriza.

Ingingo ya 4: ibisobanuro by'amwe mu magambo akoreshwa muri aya mabwiriza

Imyanda ni ibintu byose byaba bikomeye, bitamba cyangwa ari umwuka bikomoka ku mirimo yo mu rugo, yo mu nganda, cyangwa umutungo wose wimukanwa n'utimukanwa wajugunywe kandi ushobora kwangiza.

Imyanda ikomeye: ni ibintu byose bikomeye bikomo ku mirimo yo mu rugo, yo mu nganda cyangwa umutungo wose wimukanwa n'utimukanwa wajugunywe kubera ko warangije gukora icyo wagenewe kandi ushobora kwangiza.

Imyanda ihumanya: ni imyanda yose yaba ikomeye, imyuka cyangwa itamba ishobora kugira ingaruka mbi ku binyabuzima.

Ikimpoteri: ni ahantu hagenewe kumenwa imyanda yose iba yakusanyijwe.

Ubusitani: ni ahantu hagenewe guterwa ibyatsi byabugenewe n'ibiti by'umurimbo kugira ngo hanogere ijisho.

Umushito: ni agati batungaho inyama zo kotsa cyangwa ibindi biribwa byotswa.

Ahahurira abantu benshi: ni ahantu aho ariho hose hatangirwa serevisi zihuriweho n'abantu benshi.

Ikinamba: ni ahantu hagenewe gukorerwa imirimo ijyanye no koza no gusukura ibinyabiziga n'ibindi bikoresho binyuranye bikoreshwa mu ngo.

Sawuna: ni icyumba cyabugenewe gicanwamo kugira ngo haboneke ubushyuhe bwotwa n'abakeneye kubira icyuya kugira ngo bibafashe kuruhuka.

Ibisigara bya Leta: ni ubutaka bwa Leta buba bwasisigarijwe gushyirwaho ibikorwa remezo bitandukanye.

Ikidendezi cyo kogeramo: ni ubwogero bwa kiyambere bwateguriwe kwidaganduriramo.

Urunyero: ni Ahantu hagurirwa hakananywerwa ibinyobwa (Akabari).

Amazi yanduye: ni amazi arimo ikintu icyo aricyo cyose gishobora guhungabanya ibinyabuzima.

UMUTWE WA II: UBURYO IMYANDA IGOMBA GUCUNGWA

Ingingo ya 5: Uburyo imyanda itwarwa ahabugenewe

- a) imyanda itwarwa na koperative cyangwa sosiyete ifite icyangombwa cyanditse gitangwa n'urwego rw'ubuyobozi rubifitiye ububasha;
- b) imodoka zose zitwara imyanda zigomba kuba zifite icyapa kiziranga (identification sticker) gitangwa n'urwego rw'ubuyobozi rubifitiye ububasha;
- c) Imyanda yose ijyanwa hakoreshejwe imodoka zitwara imyanda zigomba kuba zipfudikiye kandi zipakurura;
- d) nta cyangombwa cyemerewe gutizwa cyangwa guhererekanwa.

Ingingo ya 6: Ibisabwa kugira ngo wemererwe gukusanya no gutwara imyanda

Koperative cyangwa sosiyete ikora akazi ko gukusanya no gutwara imyanda igomba kuba:

- a) ifite icyangombwa gitangwa n'urwego rubifitiye ububasha;
- b) ifite ibikoresho byabugenewe mu gukora ako kazi birimo ibi bikurikira (imodoka ipfundikiye kandi yipakurura, masks, Boots, gloves);
- c) ifite abakozi bahagije, babifitiye ubumenyi kandi barahawe urukingo rwa tetanus.

Ibi bigo bigomba kandi:

- a) gukusanya imyanda irobanuye bakanayitwara irobanuye ahabugenewe;
- b) gutwara imyanda ituruka mu ngo nibura inshuro imwe mu cyumweru na buri muni ahahurira abantu benshi;
- c) Kugira uburyo bwo kwirinda indwara ziterwa n'imyanda kandi bakagira imyambaro ibaranga.

Ingingo ya 7: Amasezerano yo gutwara imyanda

Amasezerano yo gutwara imyanda akorwa hagati ya koperative cyangwa sosiyete yujuje ibisabwa n'aya mabwiriza n'urwego rubifitiye ububasha

Ingingo ya 8: Uruhare rw'umuturage mu gutwara imyanda iva mu rugo

Buri muturage agomba kwishyura sosiyete cyangwa koperative itwara imyanda iva mu rugo rwe (waste generator). Ayo mafaranga agenwa n'Ubuyobozi bw'Umurenge akemezwa n'Inama Njyanama y'Umurenge. Ayo mafaranga agenwa hakurikijwe ubwinshi bw'imyanda ndetse n'urugendo rukoresha mu kugera aho igomba gushyirwa.

Ingingo ya 9: Inshingano yo kurobanura imyanda ikomeye

Imyanda ikomeye igomba kurobanurirwa aho ikomoka hakurikijwe ubwoko bwayo mbere yo gutwarwa ahabugenewe.

Ingingo ya 10: Ibikoresho bishyirwamo imyanda

Buri rugo/ikigo cyangwa uwo ariwe wese agomba kugira ibikoresho byabugenewe bishyirwamo imyanda. Ibikoresho bigomba kuba bigendanye n'ubwoko bw'imyanda ndetse n'ubwinshi bwayo.

Ingingo ya 11: Ahabujijwe gushyira imyanda mu gihe itarajyanwa

Nta myanda igomba gushyirwa ahantu ishobora gukurura udukoko dutera indwara cyangwa aho ibangamira ibidukikije, abantu n'ibintu byabo. Mu gihe imyanda itarajyanwa ahabugenewe igomba gushyirwa ahiherereye kandi mu bikoresho byabugenewe.

Ingingo ya 12: Igihe imyanda imara itegereje kujyanwa ahabugenewe

Imyanda igomba kuva mu ngo nibura ishuro imwe mu cyumweru na buri munsu ahahurira abantu benshi.

Ingingo ya 13: Aho imyanda ikomeye imenwa

Imyanda ikomeye imenwa ahantu habugenewe hateganyijwe n'Ubuyobozi bw'Umujyi wa Kigali.

Ingingo ya 14: Ahabujijwe kumena imyanda

Birabujijwe ku muntu uwo ariwe wese kumena imyanda ahatarabigenewe.

Ingingo ya 15: Kutazana imyanda yo hanze y'Umujyi wa Kigali

Nta myanda igomba kuzanwa ku butaka bw'Umujyi wa Kigali iturutse hanze yawo. Aho biri ngombwa, iyo myanda igomba gusabirwa uburenganzira mu buyobozi bw'Umujyi wa Kigali.

Ingingo ya 16: Imyanda ihumanya

Imyanda ihumanya ikomeye ikomoka mu nganda no mu mavuriro ntiyemerewe gutwarwa ku kimpoteri rusange kidafite uburyo bwo kuyitunganya; iyi myanda igomba gutunganyirizwa aho ikomoka cyangwa ahandi hateganyijwe babihereye uburenganzira.

Ingingo ya 17: Uko indi myanda ihumanya ifatwa

Imyanda ihumanya itari iyo mu nganda cyangwa kwa muganga nayo ishyirwa ahabugenewe hateganywa n'Umujyi wa Kigali.

Ingingo ya 18: Imicungire y' amazi yanduye

Imyanda y'amazi yo mu ngo iyoborwa mu byobo byabugenewe biri muri buri kibanza cyangwa ahandi hose Ubuyobozi bw'Umujyi wa Kigali n'Uturere bwateganyije.

Ingingo ya 19: Ibyubahirizwa n'inganda zitunganya amazi yanduye

Inganda zitunganya amazi yanduye zigomba kubahiriza ibipimo fatizo bishyirwaho n'urwego rubifitiye ububasha (established standards).

UMUTWE WA III: ISUKU Y'AHANTU HAHURIRA ABANTU BENSHI

ICYICIRO CYA MBERE: ISUKU MURI RESITORA

Ingingo ya 20: Ibisabwa inzu ikorerwamo ubucuruzi bwa resitora

Inzu ikorerwamo ubucuruzi bwa resitora igomba kuba:

- a) itaragenewe guturwamo;
- b) kure y'imyanda (nibura muri km imwe uvuye ku kimoteri);
- c) yitaruye amazu atuwemo;

- d) ifite uruhushya rwo gukorerwamo (occupation permit);
- e) ahayikikije hatari ivumbi cyangwa icyondo (pavement cyangwa ubusitani);
- f) ifite uburyo bwo kubika amazi no gufata amazi y'imvura;
- g) ifite uburyo bwo gucunga amazi yanduye;
- h) iteye irangi ryera cyangwa irijya gusa n'umuhondo (*cream*);
- i) yubakishijwe ibikoresho bikomeye kandi ikorewe amasuku (finishing).

Igomba kugira :

- a) ubuhumekero buhagije;
- b) igikoni cyubakishije amakaro hasi no ku nkuta nibura kugeza kuri m 1.5;
- c) uburyo bwo gusohora umwotsi n'ubushyuhe mu gikoni (fume and heat extractor);
- d) aho kogereza ibikoresho hari n'igikoresho gishyushya amazi kandi atemba (water heater);
- e) ububiko bufite urumuri ruhagije, ubuhumekero, udutara (shelves), n'utubaho two guterekaho ibintu (pallets);
- f) aho gufatira ifunguro;
- g) ubwiherero bw'abagabo n'ubw'abagore ku bakiliya n'abakozi ba resitora;
- h) urwambariro rw'abakozi;
- i) uburyo bwo gukumira no guhangana n'inkongi;
- j) ahakarabirwa intoki mbere yo kwinjira mu gikoni.

Ingingo ya 21 : Ibyo abakozi bakora muri resitora bagomba kuzuzwa

Abakozi bakora muri resitora bagomba:

- a) kugira isuku ku mubiri igihe cyose kandi batarwaye indwara zandura (ubuheri, igituntu, tifoyide n'inzoka zo mu nda);
 - b) gusuzumwa indwara zandura mbere yo gutangira akazi na buri mezi ane ku ivuriro rya Leta (igituntu, inzoka zo mu nda, tifoyide n'indwara z'uruhu);
 - c) kugira umwambaro w'akazi (itaburiya yera, ingofero n'inkweto zera ku bakora mu gikoni);
 - d) guhorana isuku hose (guca inzara, kutazisiga vernis, kutambara impeta);
 - e) kwambara imyenda y'akazi kandi isukuye ku bakozi muri rusange;
 - f) kugira aho gukarabira intoki habugenewe.
- Nibura umwe mu bakozi agomba kuba nibura abifitiye ubumenyi.

Ingingo ya 22: Ibikoresho resitora igomba kuba ifite

Ibikoresho by'ingenzi bigomba kuba muri resitora ni ibi bikurikira:

- a) ameza ategurirwaho ibyo kurya mu gikoni akozwe mu ibati ritagwa umugese (Aluminium);
- b) puberi ipfunduzwa ikirenge;
- c) akabati k'ibirahure kabikwamo ibikoresho byo ku meza;
- d) igikoresho cyo gukaraba intoki gifite amazi ashyushye n'akonje;
- e) igikoresho kijyamo isabune y'amazi;
- f) igikoresho cyo kumutsa intoki nyuma yo gukaraba;
- g) igikoresho gishyushya amazi ahogerezwa (water heater);
- h) firigo zihagije ku buryo hatavangwa ibiribwa bikomoka ku matungo, ibiva mu mazi n'ibikomoka ku bimera;
- i) ibikoresho byo kuzimya inkongi y'umuriro
- j) impapuro zo ku meza ntizigomba kugabanywamo uduce (serviets);
- k) ibikoresho byo ku meza bigomba kuba nibura inshuro 3 ugereranyije n'umubare bakira.

Ingingo ya 23: Amasezerano hagati y'ufite resitora n'abatwara imyanda

Resitora igomba kugirana amasezerano y'imikoranire na sosiyete/ koperative cyangwa abantu ku giti cyabo batwarira imyanda.

Ingingo ya 24: Ibisabwa kugira ngo umuntu yemererwe gucuruza resitora

Ushaka gukora ubucuruza bwa resitora agomba kuba yujuje ibiteganywa n'aya mabwiriza kandi akabisabira uburenganzira Ubuyobozi bw'Akarere, abinyujije ku buyobozi bw'Umurenge iyo resitora iherereyemo, Umujyi wa Kigali ukagenerwa kopi.

Ingingo ya 25: Ibisabwa kugira ngo resitora igemure ibiryo kure y'aho itekera

Resitora igemura ibiryo kure y'aho itekera igomba kuba ifite:

- a) uruhushya rw'Ubuyobozi bw'Umurenge itekeramwo;
- b) kugira ibikoresho byabugenewe mu gutwara ibyo kurya bihiye (ibikoresho bishyushya ibyo kurya n'ibikonjesha);
- c) kugira imodoka yabugenewe itwara ibiryo bihiye idakoreshwa akandi kazi.

ICYICIRO CYA II: ISUKU MU MACUMBI RUSANGE (LODGES)

Ingingo ya 26: Ibisabwa inzu icururizwamo ubucuruza bw'amacumbi

Inyubako ikorerwamo ubucuruza bw'amacumbi igomba kuba:

- a) yaragenewe gukorerwamo ubucuruza (business);
- b) ifite uruhushya rwo gukorerwamo (occupation permit);
- c) ifite amazi n'umuriro;
- d) ifite uburyo bwo gucunga imyanda y'amazi;
- e) ifite ubwiherero n'ubwiyuhagiriro muri buri cyumba;
- f) ifite aho kumesera no guterera ipasi
- g) ifite ubuhumekero karemano buhagije cyangwa ubwa kijyambere (Air conditioner);
- h) ifite urumuri ruhagije;
- i) ahayikikije hari ubusitani cyangwa imbuga itunganyije "pavement" (nta vumbi);
- j) irimo amazi ashyushye;
- k) ifite uburyo bwo kurwanya udukoko (hari utuyunguruzo mu myanya y'ubuhumekero);
- l) ifite uburyo bwo gufata amazi y'imvura;
- m) isize irangi rikeye kandi rituje mu byumba (iryera cyangwa irijya kuba umuhondo *cream*);
- n) ifite uburyo bwo kukumira no kurwanya inkongi y'umuriro.

Ingingo ya 27 : Ibiresha n'ibikoresho bisabwa mu macumbi rusange(lodge)

Mu icumbi rusange hagomba kuba ibikoresho by'ingenzi bikurikira:

- a) ibitanda bikomeye na matera zabyo (ntibigomba kurenga bibiri mu cyumba kimwe);
- b) ibisaswa nibura bibiri kuri buri gitanda;
- c) amashuka y'ibara ryera;
- d) ameza n'intebe 2 muri buri cyumba;
- e) puberi 1 muri buri cyumba n'indi mu bwiherero;
- f) inkweto z'amazi zikoreshwa n'umukiriya umwe;
- g) kugira agasanduka k'ubutabazi bw'ibanze (first aid box);
- h) ibikoresho byo kumesha no gutera ipasi, ibisaswa n'ibitambaro by'amazi;
- i) ibikoresho byo kuzimya umuriro;
- j) kugirana amasezerano na koperative cyangwa sosiyete itwara imyanda.

Ingingo ya 28: icyemezo gisabwa ushaka gukora ubucuruza bw'amacumbi

Ushaka gukora ubucuruza bw'amacumbi ahabwa icyemezo n'ubuyobozi bw'Akarere akagisaba binyujijwe ku buyobozi bw'Umurenge nyuma yo gusuzuma iyubahirizwa ry'ibyavuzwe haruguru, Umujyi wa Kigali ukagenerwa kopi.

ICYICIRO CYA III: ISUKU MU KABARI

Ingingo ya 29: Ibisabwa inyubako ikorerwamo ubucuruzi bw'akabari (urunywero)

Inyubako ikorerwamo ubucuruzi bw'akabari igomba kuba:

- a) itaragenewe guturwamo;
- b) yitaruye amazu atuwemo;
- c) ifite uruhushya rwo gukorerwamo (Occupation permit);
- d) ifite ubwiherero nibura imiryango ine (4);
- e) itunganyije neza (finishing) hasi, ku nkuta no ku gisenge;
- f) ifite imbuga itarangwamo ivumbi (hari ubusitani cyangwa pavement);
- g) ifite ubuhumekero karemano buhagije cyangwa ubwa kijyambere (Air conditioner);
- h) ifite urumuri ruhagije;
- i) ifite parking ihagije nibura 1/3 cy'ibyicarwo bishobora gukwirwa mu kabari.

Iyi nyubako igomba kandi kugira:

- a) ahantu hitaruye hagenewe kunywera itabi kandi hariho icyapa;
- b) ahogerezwa ibikoresho hari amazi atemba ashushye n'akonje "Industrial sink";
- c) ahakorerwa ibitaramo by'imiziki hagomba kuba hari uburyo bwo gukumira amajwi ntasosoke "sound proofing system";
- d) ahagenewe kubika ibishingwe bitegereje kujyanwa ahabigenewe.

Ingingo ya 30: ibindi bigomba kubahirizwa mu kabari

Mu kabari hagomba guhorana isuku kandi hari ibi bikurikira:

- a) urwambariro rw'abakozi;
- b) lavabo iriho isabune n'igikoresho cyo kumutsa intoki "*hand drier*";
- c) igitebo cyo kumenamo imyanda gipfunduzwa ikirenge kandi cyitaruye aho abantu banywera;
- d) kugira koperative cyangwa sosiyete imutwarira imyanda;
- e) icyokezo kigomba kugira amashyiga ariho amakaro;
- f) inyama zigomba kuba mu cyumba gikonjeshya;
- g) inyama ntizigomba kugerwaho n'isazi;
- h) hagomba kuba umuyoboro usohora umwotsi hanze (chimney);
- i) imishito ikoresheya rimwe gusa ikajugunywa;
- j) akayunguruzo ko ku cyocyeyo kagomba kuba gakoze muri *Aluminium*.

Ingingo ya 31: Ibisabwa abakozi bakora mu kabari

Abakozi bakora mu runywero bagomba:

- a) kurangwa n'isuku ku mubiri n'imyambaro;
- b) kwambara imyambaro y'akazi iteka kandi abategura ibyo kurya bakambara itaburiya yera, ingofero yera n'inkweto zipfutse amano;
- c) kwipimisha indwara zandura (igituntu, tifoyide n'inzoka) mbere yo gutangira akazi na nyuma ya buri mezi ane (4).

Ingingo ya 32: Ibinyobwa bicuruzwa mu kabari

Ibinyobwa bicuruzwa mu kabari bigomba kuba bifite icyemezo cy'ubuziranenge gitangwa n'urwego rubifitiye ububasha.

Ingingo ya 33: Uburenganzira busabwa abifuza gukora ubucuruzi bw'akabari

Ushaka gukora ubucuruzi bw'akabari ahabwa uburenganzira n'ubuyobozi bw'Akarere akabusaba binyujijwe ku buyobozi bw'Umurenge nyuma yo gusuzuma iyubahirizwa ry'ibyavuzwe haruguru, Umujyi wa Kigali ukagenerwa kopi.

ICYICIRO CYA IV: ISUKU MU MASOKO

Ingingo ya 34: Ibyo isoko rigomba kugira

Isoko rigomba kugira ibi bikurikira:

- a) ryubakiye;
- b) rifite imyanya yateganijwe kuri buri bicuruzwa hariho inyandiko zibyerekana;
- c) rifite amazi ahagije;
- d) ubwiherero buhagije kandi bugaragaza ah'abagore n'ah' abagabo;
- e) imiyoboro y'amazi y'imvura yohereza mu miyoboro rusange yabugenewe;
- f) ibitebo by'imyanda byabugenewe;
- g) amashanyarazi ahagije;
- h) amafi agomba kugira uruhande rumwe acururizwamo kandi ruzwi n'ubuyobozi;
- i) imbuto n'imboga bigomba gucururizwa ku meza asukuye;
- j) ahucururizwa amata habugenewe;
- k) ubwiherero bwo mu isoko bugomba kuba buhagije kandi bufite isuku;
- l) kugira abakozi bahoraho bashinzwe isuku mu isoko.

Buri mucuruzi agomba kwita ku isuku y'aho akorera kandi agomba gutanga umusanzu w'isuku ugenwa n'urwego rubifitiye ububasha.

Abakozi b'isuku mu isoko bagomba kugira imyambaro y'akazi kandi ikambarwa igihe cyose bari mu kazi (gloves, boots and masks). Bagomba kuba bafite aho biyuhagirira kandi bafite ubwishingizi mu kwivuzza.

Ingingo ya 35: Inshingano z'ubuyobozi bw'isoko mu gukurikirana isuku

Ubuyobozi bw'isoko bugomba:

- a) gucyemura ikibazo icyo ari cyo cyose cyatera isuku nke mu isoko;
- b) guteganya aho ikusanyirizwa kandi igatwarwa buri muni ahabugenewe;
- c) kuvangura imyanda hakurikijwe ubwoko bwayo;
- d) gushyiraho umujyanama ushinze isuku ya buri muni.

Ingingo ya 36: Uko ibicuruzwa bifatwa mu isoko

Ibicuruzwa byose cyane cyane ibiribwa bigomba gucururizwa hejuru ku meza kandi hakabaho n'aho kubika ibintu bitarimo gucuruzwa.

Ingingo ya 37: Ubucuruzi bw'inyama n'amafi mu isoko

Aho gucururiza inyama n'amafi hagomba kuba hatabangamiye ubuzima bw'abandi bacuruzi kandi hari umuriro n'amazi. Gutunganya amafi n'inyama bigomba gukorerwa ahateganijwe n'ubuyobozi bw'isoko, hubakiye.

Buri mucuruzi w'inyama cyangwa amafi agomba kugira icyuma cyabugenewe cyo gukonjesha ibyo bicuruzwa (freezer), ibi bicuruzwa bigomba gupimwa mbere y'uko bigezwa ku isoko.

Abakozi bakora mu bucuruzi bw'inyama n'amafi bagomba kugira imyenda y'akazi (ingofero, itaburiya na bote by'umweru) kandi bagapimwa indwara zanduzza nibura rimwe mu mezi ane.

Bagomba kandi kugira ibikoresho bikoze muri pulasitiki cyangwa mu cyuma bipfundikirwa byo kujugunyamo ibisigazwa.

Ahacururizwa inyama cyangwa amafi hagomba kuba nta masazi ahagera (hagomba kuba hari akuma gafata isazi n'utundi dukoko).

Inyama zigomba gutwarwa n'imodoka zigenewe uwo murimo gusa.

Ingingo ya 38: Amatungo acururizwa mu isoko

Amatungo yemerewe gucururizwa mu isoko risanzwe ni aya akurikira kandi akaguma mu dutete twayo:

- a) inkoko n'ibindi biguruka byororwa;
- b) inkwavu.

ICYICIRO CYA V: ISUKU MU MAVURIRO

Ingingo ya 39: Uburenganzira bwo gutangira ivuriro

Kugira ngo ivuriro rikore rigomba kuba rifite uruhushya rutangwa n'urwego rubifitiye ubu basha.

Ingingo ya 40: ibisabwa kugira ngo inyubako ikorerwemo imirimo y'ivuriro

Inyubako ikorerwamo imirimo y'ivuriro igomba kuba ifite:

- a) uruhushya rwo gukorerwamo rwatanzwe n'urwego rubifitiye ububasha;
- b) ubuhumekero buhagije;
- c) urumuri ruhagije;
- d) umuriro n'amazi;
- e) ubwihereho butandukanyije bw'abagabo n'abagore;
- f) ubwogero n'aho bogera intoki butandukanye bw'abagabo n'ubw'abagore;
- g) uburyo bwo gufata amazi y'imvura;
- h) uburyo bwo gucunga amazi yanduye;
- i) uburyo bwo gukumira no guhangana n'inkongi.

Iyi nyubako igomba kuba itaragenewe guturwamo kandi ahayikikije hagomba kuba hatari ivumbi cyangwa icyondo (hagomba kuba hari ubusitani cyangwa pavement).

Ingingo ya 41: Ibikoresho by'ingenzi bigomba kuba mu ivuriro

Bitabangamiye ibiteganywa n'amategeko, ivuriro rigomba kuba rifite ibikoresho by'ingenzi bikurikira:

- a) igikoresho cyo kwica udukoko ku byuma bikoreshwa mu buvuzi (sterilizer);
- b) imiti yabugenewe yo gusukura ibikoresho by'ubuvuzi (disinfectants);
- c) akabati kabugenewe ko kubika ibikoresho by'ubuvuzi;
- d) ibikoresho bipfunduzwa ikirenge byo gushyiramo imyanda (Dust bins);
- e) ibikoresho byo kujugunyamo imyanda ikomeretsa (safety box);
- f) ibikoresho byabugenewe byo gukaraba intoki bihagije;
- g) ibikoresho byo gukonjesha inkingo.

Ingingo ya 42: Ibisabwa by'umwihariko mu gucunga imyanda mu ivuriro

Ivuriro rigomba :

- a) kugira uburyo bwihariye bwo gucunga imyanda ikomoka ku buvuzi;
- b) ivuriro rigomba kugirana amasezerano na sosiyeti yemewe yo gutwara imyanda isanzwe iva mu ivuriro;

- c) kuvangura imyanda hakurikijwe ubwoko bwayo.

Ingingo ya 43: Ibisabwa abakozi bakora mu ivuriro

Abakozi bagomba kuba bambaye imyambaro y'akazi yabugenewe.

ICYICIRO CYA VI: ISUKU AHATUNGANYIRIZWA IMISATSI

Ingingo ya 44: Uruhushya ruhabwa ushaka gukora imirimo yo gutunganya imisatsi

Kugira ngo umuntu yemererwe gukora uyu murimo agomba kuba afite uruhushya rutangwa n'ubuyobozi bubifitiye ububasha.

Ingingo ya 45: Ibijyanye n'aho uyu murimo ukorerwa

Inyubako ikorerwamo imirimo yo gutunganya imisatsi igomba kuba:

- a) itaragenewe guturwamo;
- b) ifite uruhushya rwo gukorerwamo rwatazwe n'urwego rubifitiye ububasha (occupational permit);
- c) ahayikikije inyubako hatari ivumbi cyangwa icyondo. (hagomba kuba hari ubusitani cyangwa pavement);
- d) ifite umuriro n'amazi;
- e) ifite ubwihereho butandukanyije bw'abagabo n'abagore ;
- f) ifite uburyo bwo gufata amazi y'imvura;
- g) ifite uburyo bwo gucunga imyanda y'amazi ;
- h) ifite uburyo bwo gukumira no guhangana n'inkongi;
- i) ifite ubuhumekero n'urumuri bihagije.

Ingingo ya 46: Ibikoresho by'ingenzi bigomba kuba ahatunganyirizwa imisatsi

Ahatunganyirizwa imisatsi hagomba kuba ibikoresho by'ingenzi bikurikira:

- a) igikoresho cyo kwica udukoko (steriliser);
- b) igikoresho cyabugenewe cyo gushyiramo imyanda;
- c) igikoresho cyabugenewe cyo kwica udukoko ku bitambaro bikoreshwa mu gutunganya umusatsi;
- d) igikoresho cyabugenewe gishyushya amazi (water heater);
- e) imiti yabugenewe yica udukoko.

Ingingo ya 47: Ibisabwa abakozi bakora akazi ko gutunganya imisatsi

Abakozi bakora ahatunganyirizwa imisatsi bagomba:

- a) kugira icyemezo cy'uko batarwaye indwara zandura gitangwa n'ivuriro rya Leta;
- b) kwisuzumisha bigomba gukorwa inshuro imwe mu mezi ane (4);
- c) kwambara imyenda y'akazi yabugenewe.

ICYICIRO CYA VII: ISUKU MU MASHURI

Ingingo ya 48: Uruushya ruhabwa ushaka gushing ishuri

Ikigo cy'ishuri kigomba kuba gifite uruhushya rutangwa n'urwego rubifitiye ububasha.

Ingingo ya 49: Ibyo inyubako y'ishuri igomba kuba yujuje

Bitabangamiye ibiteganywa n'amategeko, inyubako y'ishuri igomba kuba ifite:

- a) uruhushya rwo gukorerwamo rwatazwe n'urwego rubifitiye ububasha (occupational permit);
- b) ibyumba bifite ubuhumekero n'urumuri bihagije;
- c) umuriro n'amazi;
- d) ubwiherero butandukanyije bw'abagabo n'abagore;
- e) uburyo bwo gufata amazi y'imvura;
- f) uburyo bwo gucunga imyanda y'amazi;
- g) uburyo bwo gukumira no guhangana n'inkongi.

Inyubako y'ishuri igomba kandi kuba :

- a) itaragenewe guturwamo;
- b) izitiye;
- c) ku muzenguruko wayo hatewe amashyamba.
- d) ahayikikije hatari ivumbi cyangwa icyondo. (hagomba kuba hari ubusitani cyangwa pavement).

Ingingo ya 50: Ibyumba abanyeshuri bacumbikamo

amazu acumbikiye abanyeshuri agomba kugira:

- a) amazi n'amashanyarazi bihagije;
- b) uburyo bwo kubika amazi yakoreshwa mu gihe ayandi yabuze (Ibigega);
- c) uburyamo buboneye bugenerwa buri munyeshuri (umunyeshuri igitanda cye);
- d) igikoni gitunganye kandi kirimo ibikoresho bihagije n'ububiko bwabyo;
- e) aho abanyeshuri bamesera imyenda yabo n'aho bayanika;
- f) aho kwiyuhagirira no kogera haboneye kandi hahagije;
- g) ubwiherero buhagije;
- h) imiti yabugenewe mu kurwanya umwuka mubi n'isazi biva mu bwiherero;
- i) uburyo bwo gukaraba intoki uvuye mu bwiherero.

Inyubako y'icumbi mu bigo by'amashuri igomba kwakira abana b'igitsina kimwe kandi igomba guterwa umuti wica ibiryi nibura buri mezi ane (4).

Ingingo ya 51: Ibikoresho bikenerwa mu mashuri

Ikigo cy'ishuri kigomba kugira ibikoresho by'ingenzi bikurikira:

- a) ibikoresho byo mu gikoni bigomba kuba byubahirije ibikubiye mu ngingo ya 22 y'aya mabwiriza;
- b) uburyo bwo gukaraba intoki hafi y'ubwiherero hamwe n'aho bafatira ifunguro;
- c) igikoresho cyo gushyiramo imyanda muri buri cyumba;
- d) igikoresho cyo gushyiramo imyanda ivuye mu byumba by'amashuri;
- e) ibikoresho byo kuzimya umuriro;
- f) utubati two kubikamo ibikoresho byo mu buriro no mu gikoni.

Ingingo ya 52: Ibindi bigomba kubahirizwa mu mashuri

Buri kigo cy'ishuri, kigomba kandi:

- a) kugira gahunda ihoraho yo gukora isuku mu kigo, cyane cyane mu byumba by'amashuri no mu bwiherero;
- b) kugira amasezerano na koperative cyangwa sosiyete itwara imyanda;
- c) kugira ibikoresho byabugenewe byo gushyiramo imyanda kandi ikabikwa itandukanye;
- d) gushyiraho "club" z'isuku n'ibidukikije muri buri kigo.

Ingingo ya 53: Ibigomba kuba mu cyumba abanyeshuri bafatiramo amafunguro

Icyumba abanyeshuri bafatiramo ifunguro kigomba kugira:

- a) isuku;

- b) ameza afite isuku;
- c) intebe abanyeshuri bicaraho igihe bafungura;
- d) ibyumba bikoteye na sima;
- e) inkuta zihorana isuku;
- f) amazi yo kunywa atuganyije.

Ibikoresho byo ku meza bigomba gusukurwa hifashishijwe amazi ashyushye n'isabune kandi bihagije ku buryo bisimburana mu gukoreshwa. Nta gikoresho cya plastic cyemewe gukoreshwa.

Ingingo ya 54: Ibisabwa abakozi bakora mu mashuri

Abakozi bakora mu ishuri bagomba:

- a) kwambara imyenda y'akazi;
- b) kubahiriza ibiteganywa n'ingingo ya 23 y'aya mabwiriza ku bijyanye n'abashinzwe gutegura ibyo kurya.

ICYICIRO CYA VIII: ISUKU AHATEGERWA IMODOKA (GARE)

Ingingo ya 55: Ibisabwa aho abagenzi bategera imodoka (gare)

Aho imodoka zihagarara hagomba kuba:

- a) hakoteye na sima « concrete »;
- b) hari ibikoresho byo kumenamo imyanda kandi igatwarwa buri muni;
- c) kuba hafite aho abagenzi bicara hatwikiriye kandi hafite isuku;
- d) ubwiherero buhagije kandi butandukanye, ubw'abagabo n'ubw'abagore;
- e) uburyo bwo gucunga amazi y'umwanda;
- f) amazi ahagije(water supply system);
- g) uburyo bwo kubika amazi no gufata amazi y'imvura (water conservation and rain water harvesting);
- h) uburyo bwo gukumira no kuzimya inkogi y'umuriro.

ICYICIRO CYA IX: ISUKU MURI GEREZA

Ingingo ya 56: ibisabwa ahafungirwa abanyabyaha (gereza)

Inyubako ya gereza igomba kuba ifite:

- a) uruhushya rwo gukorerwamo rwatazwe n'urwego rubifitiye ububasha (occupational permit);
- b) umuriro n'amazi;
- c) kuba ahakikije inyubako hatari ivumbi cyangwa icyondo (hagomba kuba hari ubusitani cyangwa pavement);
- d) ubwiherero butandukanyije bw'abagabo n'abagore;
- e) uburyo bwo gufata amazi y'imvura;
- f) uburyo bwo gucunga imyanda y'amazi (sewerage system);
- g) uburyo bwo gukumira no guhangana n'inkogi.

Iyi nyubako igomba kandi kugira:

- a) ubwogero buhagije kandi bufite isuku;
- b) aho guterera ipasi;
- c) aho kumesera no kwanika imyenda;
- d) kuba aricyo yagenewe kandi iri ahitaruye;
- e) igikoni kigomba kuba cyubakishije amakaro ku nkuta kugeza kuri metero 1.5;
- f) ibyumba bifite ubuhumekero n'urumuri bihagije.

Ikindi, iyi nyubako igomba kuba izitiye.

Ingingo ya 57: Ibikoresho bikenerwa muri gereza

Gereza igomba kugira ibikoresho by'ingenzi bikurikira:

- a) akabati ko kubikamo ibikoresho byo ku meza;
- b) igikoresho cyo :
 1. gushyushya amazi;
 2. kuzimya umuriro;
 3. gushyiramo imyanda byabugenewe;
 4. gukaraba intoki aho bikenewe.

Ingingo ya 58: Ibindi bigomba kubahirizwa muri gereza

- a) gutera umuti wica udukoko nibura nyuma y'amezi atatu (3) n'igihe bibaye ngombwa;
- b) kugirana amasezerano na koperative cyangwa sosiyeti itwara imyanda igihe gereza idashoboye kubyikorera;
- c) gushyiraho uburyo bwo gutunganya amazi yo kunywa;
- d) uburyo bwo gusukura ibikoresho byo mu gikoni no ku meza.

ICYICIRO CYA X: ISUKU MU BWIHERERO RUSANGE

Ingingo ya 59: Ibisabwa kugira ngo habe ubwiherero rusange

Inyubako y'ubwiherero rusange igomba kuba ifite:

- a) uruhushya rutangwa n'urwego rubifitiye ububasha;
- b) aho abagore n'abagabo bajya hatandukanye;
- c) isuku ihagije hasi, ku nkuta no ku gisege;
- d) umukozi uhoraho ushinzwe isuku;
- e) urumuri n'ubuhumekero bihagije;

Iyi nyubako igomba kandi kugira:

- a) ibikoresho byabugenewe byo gushyiramo imyanda;
- b) ibikoresho byo gukarabiraho intoki biriho amazi n'isabune;
- c) ibikoresho byabugenewe byo kumutsa intoki (hand drier);
- d) impapuro z'isuku.

Ikindi, inyubako y'ubwiherero igomba kuba yubakishije amakaro nibura kugera kuri metero 1.5 ku nkuta, nta sazi cyangwa impumuro mbi bihari kandi ishobora gukingirwamo imbere.

ICYICIRO CYA XI: ISUKU MURI SAUNA

Ingingo ya 60: Uruhushya rwo gutangiza sauna

Sauna igomba kuba ifite uruhushya rutangwa n'urwego rubifitiye ububasha.

Ingingo ya 61: Ibigomba kubahirizwa kugira ngo sauna yemererwe gutangira gukora

Kugira ngo itangire gukora, sauna igomba kuba yujuje ibi bikurikira:

- a) kuba yubatse ahantu itabangamiye izindi nyubako n'ibindi bikorwa;
- b) igomba kubakishwa ibikoresho birambye;
- c) icyumba cya sauna kigomba kuba gifite ubuso butari munsi ya m² 16;
- d) inkuta n'igisenge bigomba gusigwa irangi ry'amavuta ry'umukara rituma hagabanywa isakazwa ry'ubushyuhe ku gisenge no ku nkuta;
- e) ahaturuka ubushyuhe ntiha gomba gusigwa irangi ry'umukara;

- f) hagomba kugenwa ibyumba byo kuruhukiramo n'icyumba kimwe cya massage ku bantu 30 cyitaruye sawuna;
- g) igomba kugira ubwiherero butandukanye ku bagabo n'abagore;
- h) igomba kugira ubwogero n'urwambariro buhagije ku bagabo n'abagore;
- i) intebe zicarwaho zigomba kozwa n'imiti yica udukoko (desinfectants) igihe cyose habaye isimburanwa ry'abakiriya;
- j) ibikoresho by'isuku nk'ibitambaro by'amazi n'indi myenda bikoreshwa inshuro imwe;
- k) aharuhukirwa n'ahakorerwa massage hagomba kuba igikoresho gishyirwamo imyanda;
- l) kuba hari imashini zimesa bakanatera ipasi;
- m) kuba buri mukiliya agira inkweto zo kogeramo (slippers);
- n) kuba hari nibura umunyamwuga w'ubuzima ubanza gusuzuma abakoresha sauna;
- o) kuba hari umunyamwuga w'ubugororangingo (physiotherapist) nibura umwe ku hakorerwa massage;
- p) kuba hari isuku ihagije; hasi, ku nkuta no ku gisenge.

Ingingo ya 62: Ibibipimo bya sauna

Sauna igomba kugira ibipimo bingana n'ibigaragara mu mbonerahamwe ikurikira:

n°	Ubuso kuri buri muntu	Metero kare m ² 1
1	Urwambariro	0.8 – 1.0
2	Toilette	0.3 – 0.5
3	Sauna	0.5 – 0.6
4	Aho abantu baruhukira	0.3– 0.6
Ibipimo muri m² by'inubako ya sauna yakira abantu 30		
1	Urwambariro	24 – 30
2	Sauna	9 – 15
3	Icyumba cya massage	12 – 18
4	Icyumba cyo kuruhukiramo	9 – 18

ICYICIRO CYA XII: ISUKU MU BIDENDEZI BYO KOGERAMO (SWIMMING POOL/PISCINE)

Ingingo ya 63: Ibisabwa inyubako y'ikidendezi cyo kogeramo

Inyubako y'ikidendezi cyo kogeramo igomba kuba yujuje ibi bikurikira:

- a) uruhushya rutangwa n'ubuyobozi bubifitiye ububasha;
- b) kuba yubatse muri beto "concrete" isashwemo amakaro afite ibara ricyeye;
- c) kuba ibipimo by'ubujyakuzimu bigaragara;
- d) kuba izegurutswe n'umuyoboro ubuza andi mazi gutemberamo;
- e) ibyuma byubakishije bigomba kuba bitagwa umugese;
- f) hagomba guteganywa igice kigenewe aboga n'abari mu zindi gahunda.

Ingingo ya 64: Ibyumba byifashishwa n'aboga

Ikidendezi cyo kogeramo kigomba kugira ibyumba bya serivise bikurikira:

- a) icyumba cyo kubikamo no gutangiramo ibikoresho byo kogana n'ibyho kwiyumutsa;
- b) icyumba cy'umwarimu wo koga;
- c) urwambariro rutandukanye ku bagore n'abagabo;
- d) ubwogero buhagije kandi butandukanye ku bagore n'abagabo;
- e) ubwiherero buhagije kandi butandukanye ku bagore n'abagabo;
- f) icyumba cyo kubikamo ibikoresho by'isuku.

Ingingo ya 65: Ubuziranenge bw'amazi yogerwamo

- a) amazi yogerwamo agomba kuba adafite ubwandu ubwo aribwo bwose;
- b) ibipimo by'amazi yogerwamo (Cl na P^H) bigomba gufatwa nibura kabiri ku munsu kandi bigashyirwa ahagaragara;
- c) ibipimo bya Cl bigomba kuba hagati ya 1.3 na 3;
- d) ibipimo bya P^H bigomba kuba hagati ya 7.2 na 7.8;
- e) amazi yogerwamo agomba gushyirwamo imiti yica udukoko kugira ngo abantu ntibanduzanye indwara;
- f) imiti ikoreshwa mu kidendezi cyo kogeramo ni iyemewe ku rwengo mpuzamahanga;
- g) amazi agomba kuvanwaho imyanda ireremba hejuru hakoreshejwe umweyo wabigenewe;
- h) akayunguruzo k'amazi kagomba guhora gakora (continuous filtration);
- i) amazi y'ikidendezi agomba guhindurwa buri mezi atatu cyangwa igihe cyose amazi yabaye mabi, ikidendezi kikozwa kandi hagakorwa raporo ikemezwa n'umugenzuzi w'isuku ku rwengo rubifite mu shingano;
- j) umuntu wese ugiye koga agomba kubanza kwiyuhagira;
- k) amazi agomba kuba afite ubushobozi bwo kwica udukoko tuyinjijemo;
- l) hagomba kuba hari umukozi ubihugukiwe ukurikirana ubwandu bw'amazi (kuba afite nibura impamyabumenyi y'amashuri yisumbuye mu binyabuzima n'ubutabire n'amahugurwa ku by'ikidendezi cyo kogeramo).

ICYICIRO CYA XIII: ISUKU AHO IMODOKA ZINYWERA AMAVUTA

Ingingo ya 66: Aho imodoka zinywera amavuta

Aho imodoka zinywera amavuta hagomba kuba hujuje ibi bikurikira:

- a) ubwiherero busukuye;
- b) kuba nta vumbi cyangwa icyondo bihagaragara (gushyiraho ubusitani cyangwa pavement);
- c) kuba hari uburyo bwo kuyobora amazi ahabugenewe;
- d) kuba hari igikoresho cyo gushyiramo imyanda ikomeye cyabugenewe;
- e) kuba hari igikoresho cyo kuzimya umuriro;
- f) umukozi uzi gukoresha igikoresho cyo kuzimya umuriro;
- g) kugirana amasezerano n'ishyirahamwe ritwara imyanda.

ICYICIRO CYA XIV: ISUKU AHASENGERWA

Ingingo ya 67: Ibisabwa kuzuzwa ahasengerwa

Ahasengerwa hagomba kuba hujuje ibi bikurikira:

- a) kuba hataragenewe guturwamo;
- b) kuba hafite uruhushya rwo gukorerwamo rwatazwe n'urwego rubifitiye ububasha (occupation permit)
- c) kugira ubwiherero buhagije bw'abagabo n'ubw'abagore;
- d) kugira uburyo bwo gukaraba intoki nyuma yo kwiherera;
- e) kugira igikoresho rusange cyo gushyiramo imyanda;
- f) kugira imbuga ifite pavoma cyangwa ubusitani;
- g) kugirana amasezerano n'ishyirahamwe ribatwarira imyanda;
- h) kugira igikoresho cyo gushyiramo imyanda mu rusengeru;
- i) gufata amazi y'imvura;
- j) kugira uburyo bwo gucunga amazi yanduye;
- k) kugira uburyo bwo gukumira no guhangana n'inkongi y'umuriro;
- l) kuba inyubako idasohora amajwi.

Ku babatiriza mu mazi menshi, hagomba kuba amazi yabugenewe yujuje ubuziranenge buvugwa mu ngingo ya 65 y'aya mabwiriza.

UMUTWE WA V: ISUKU AHATUNGANYIRIZWA IBIRIBWA

ICYICIRO CYA MBERE: ISUKU AHAKORERWA IMIGATI

Ingingo ya 68: Uruhushya rutangwa ahakorerwa imigati

Kugira ngo ubucuruze bw'aho bakorerwa imigati bwemerwe, hagomba kugira uruhushya rutangwa n'urwego rubifitiye ububasha.

Ingingo ya 69: Ibisabwa inzu itunganyirizwamo imigati

Inyubako ikorerwamo imigati igomba kuba yujuje ibi bikurikira:

- a) ifite uruhushya rwo gukorerwamo rutangwa n'urwego rubifitiye ububasha;
- b) ifite ubuhumekero n'urumuri bihagije;
- c) ihorana isuku hasi, ku nkuta no ku gisenge;
- d) yitaruye amazu atuwemo;
- e) amazi ashyushye;
- f) ifite uburyo bwo gukumira no guhangana n'inkongi y'umuriro;
- g) ifite uburyo bwo kubika amazi no gufata amazi y'imvura.

Ingingo ya 70: Ibyumba bigize inzu ikorerwamo imigati n'icyo bikorerwamo

Inyubako ikorerwamo imigati igomba kuba ifite:

- a) aho kuvangira ifu;
- b) aho kokereza imigati mu ifuru, hari umwuka uhagije;
- c) aho bashyira imigati mu bifuniko byabugenewe;
- d) aho kubika imigati;
- e) urwambariro rw'abakozi;
- f) ubwogero bw'abagabo n'abagore;
- g) igikoresho kijyamo imyanda gipfunduzwa ikirenge;
- h) ubwiherero bw'abagabo n'ubw'abagore kandi bukarangwa n'isuku;
- i) aho kubika ifarini n'ibindi bikoresho by'imigati hatagera ubuhehere (humidity).

Bagomba kandi kugirana amasezerano na sosiyete ibatwarira imyanda.

Ingingo ya 71: Ibisabwa abakozi bakora ahatunganyirizwa imigati

Abakozi bakorerwa ahakorerwa imigati bagomba:

- a) gupimwa indwara zanduzwa mbere yo gutangira akazi na buri mezi ane;
- b) kugira isuku y'imyambaro n'iyi ku mubiri;
- c) kugira imyambaro y'akazi kandi ikambarwa igihe cyose bari mu kazi.

ICYICIRO CYA II: ISUKU AHACURURIZWA INYAMA N'AMAFI (boucherie /boucher)

Ingingo ya 72: Uruhushya ruhabwa ushaka gucuruza inyama n'Amafi ahatari mu isoko

Kugira ngo ucuruze inyama ugomba kuba ufite icyemezo cy'urwego rubifitiye ububasha.

Ingingo ya 73: Ibisabwa ku nyubako icururizwamo inyama

Inyubako icururizwamo inyama igomba kuba yujuje ibi bikurikira:

- a) ifite uruhushya rwo gukorerwamo rutangwa n'urwego rubifitiye ububasha (occupation permit);
- b) ifite ibikoresho byabugenewe bifasha gukaraba intoki;
- c) ahakikije inyubako hatari ivumbi cyangwa icyondo (hari ubusitani cyangwa pavement);
- d) kuba nibura kuri metero 200 uvuye ahamenwa imyanda;
- e) iri hafi y'umuhanda ku buryo bworohereza gupakurura inyama;
- f) ifite icyumba gikatirwamo inyama;
- g) ifite icyumba cyo gucururizamo;
- h) ifite urwambariro rw'abakozi;
- i) ifite isuku ihagije kuva hasi kugeza ku gisenge;
- j) ifite ubuhumekero buhagije;
- k) ifite inzitira sazi ku madirishya yose ;
- l) ifite amazi ahagije ashyushye n'akonje ;
- m) ifite uburyo bwo gucunga amazi yanduye ;
- n) ifite uburyo bwo gufata amazi y'imvura.

Ingingo ya 74: Ibikoresho bikenerwa mu nzu icururizwamo inyama

Ibikoresho by'ingenzi bigomba kuba biri ahacururizwa inyama n'amafi:

- a) akabati k'icyuma ko kubikamo ibikoresho;
- b) ibikoresho byo gufata no kwica udukoko (insect repellents);
- c) ibikoresho byabugenewe byo gushyiramo imyanda;
- d) ibikoresho bihagije byo kubika amazi;
- e) ameza yabugenewe yo gutunganyirizaho inyama;
- f) ibikoresho byo gushyushya amazi (water heaters);
- g) konjerateri ireberwamo itandikwamo inyama n'amafi (ifite ikirahure);
- h) konjerateri yo kubikamo inyama;
- i) konjerateri yihariye amafi;
- j) umunzani wihariye w'amafi;
- k) imodoka zabugenewe zikonjesha zo gutwara inyama n'izo gutwara amafi.

Ingingo ya 75: Ibisabwa ku nyama n'amafi bicuruzwa mbere y'uko bigezwa ku isoko

- a) bigomba kuba bifite icyemezo cy'aho byaturutse (certificate of origin);
- b) ibimenyetso byerekana ko zapimwe (inspection stamp);
- c) inyama zicuruzwa zigomba kuba zaturutse mu mabagiro ari mu Mujyi wa Kigali gusa;
- d) birabujijwe gupfunyika inyama n'amafi mu mpapuro cyangwa ibindi bintu bidashobora kozwa neza.

Ingingo ya 76: Ibisabwa abakozi bakora ahacururizwa inyama

Abakozi bakora ahacururizwa inyama bagomba kuba bujuje ibi bikurikira:

- a) gusuzumwa indwara zandura buri mezi atatu;
- b) kwambara imyenda y'akazi yabugenewe igihe cyose bari mu kazi (itaburiya, ingofero, bote by'umweru);
- c) kugira isuku ku mubiri ku buryo buhoraho.

ICYICIRO CYA III: ISUKU MU MABAGIRO

Ingingo ya 77: Uruhushya ruhabwa uwifuza gushyiraho ibagiro

Ushaka gukora ibagiro agomba kuba afite uruhushya rutangwa n'urwego rufite amabagiro mu nshingano.

Ingingo ya 78: Ibyo inyubako y'ibagiro igomba kuba yujuje

Inyubako y'ibagiro igomba kuba yujuje ibi bikurikira:

- a) ifite uruhushya rwo gukorerwamo rutangwa n'urwego rubifitiye ububasha (occupation permit);
- b) ifite aho amatungo ategerereza mbere yo kubagwa;
- c) ifite umutego wabigenewe (stunning room);
- d) ifite aho kubagira hameze neza, mu nzu isakaye, ifashwe n'inkingi gusa;
- e) ifite aho kubagira hari inkuta n'ameza by'amakaro;
- f) ifite aho kubagira hari amazi ahagije ashushye n'akonje;
- g) ifite aho kubagira hari urumuri ruhagije;
- h) ifite imiyoboro y'umwanda n'uburyo bukwiye bwo kuyitunganya;
- i) ifite aho gutunganyiriza inyama zo mu nda;
- j) ifite ahabugenewe ho kubamba impu;
- k) ifite ubwiherero buhagije kandi butandukanye ku bagore n'abagabo;
- l) ifite ibikoresho byabugenewe byo gukaraba intoki;
- m) ifite aho kumanika inyama hadafunganye kugirango zipimwe n'ababishinzwe;
- n) ifite icyumba cyo gushyiramo inyama zifite ikibazo zitegereje gufatirwa ingamba;
- o) ifite icyobo cyabugenewe cyo kwangirizamo inyama zitujuje ubuziranenge;
- p) ifite icyumba gikonjesha cyo kubikamo inyama gihagije (cold chamber);
- q) ifite ahakikije inyubako hatari ivumbi cyangwa icyondo (hari ubusitani cyangwa pavoma).

Ingingo ya 79: Ibikoresho bikenerwa mu ibagiro

Ibikoresho by'ingenzi bigomba kuba biri mu ibagiro ni ibi bikurikira:

- a) akabati k'icyuma ko kubikamo ibikoresho;
- b) ibikoresho byo kwica udukoko (insect repellents);
- c) ibikoresho byabugenewe byo gushyiramo imyanda;
- d) ibikoresho bihagije byo kubika amazi;
- e) igikoresho gikoreshwa mu kwica udukoko ku bikoresho by'ibagiro (sterilizer);
- f) ameza yabugenewe yo gutunganyirizaho inyama;
- g) ibikoresho byo gushyushya amazi (water heaters).

Ingingo ya 80: Ibisabwa abakozi bakora mu ibagiro

Abakozi bakora mu ibagiro bagomba kuba bujuje ibi bikurikira:

- a) gusuzumwa indwara zandura buri mezi atatu;
- b) kwambara imyenda y'akazi yabugenewe igihe cyose bari mu kazi;
- c) kugira isuku ku mubiri ku buryo buhoraho;
- d) nta wemerewe kwinjira mu ibagiro cyangwa ahakorera imirimo y'ububazi atahakorera keretse ubifitiye uburenganzira.

ICYICIRO CYA IV: ISUKU AHATUNGANYIRIZWA N’AHACURURIZWA AMATA

AKICIRO KA MBERE: ISUKU AHATUNGANYIRIZWA AMATA

Ingingo ya 81: Uruhushya ruhabwa ushaka gukora umurimo wo gutunganya amata

Kugira ngo ukore umurimo wo gutunganya amata ukoresheje imashini ugomba kuba warahawe uburenganzira n’urwego rubifitiye ububasha.

Ingingo ya 82 : Ibisabwa inyubako itunganyirizwamo amata

Inyubako itunganyirizwamo amata igomba kuba yujuje ibi bikurikira :

- a) ifite uruhushya rwo gukorerwamo rutangwa n’urwego rubifitiye ububasha (occupational permit);
- b) ifite ibikoresho byabugenewe byo gukaraba intoki ;
- c) ahakikije inyubako hatari ivumbi cyangwa icyondo (hari ubusitani cyangwa pavement) ;
- d) ifite isuku ihagije kuva hasi kugeza ku gisenge ;
- e) ifite umwuka uhagije;
- f) ifite amakaro hasi;
- g) ifite inzitira sazi ku madirishya yose;
- h) ifite amazi ahagije ashyushye n’akonje;
- i) ifite uburyo bwo gucunga amazi yanduye;
- j) ifite uburyo bwo gufata amazi y’invura.

Ingingo ya 83 : Ibikoresho bikenerwa mu gutunganya amata

Ibikoresho by’ingezi bikenewe aho batunganyiriza amata ni ibi bikurikira :

- a) ikigega cyabugenewe cyo gushyiramo amata (cooler);
- b) ibikoresho byabugenewe byo kuyungurura amata;
- c) ibikoresho byabugenewe byo gutunganya amata.

Ingingo ya 84 : ibisabwa abakozi bakora ahatunganyirizwa amata

Abakozi bakora ahacururizwa amata bagomba kuba bujuje ibi bikurikira :

- a) gusuzumwa indwara zandura buri mezi atatu;
- b) kwambara imyenda y’akazi yabugenewe igihe cyose bari mu akazi (itaburiya n’ingofero, by’umweru);
- c) kugira isuku ku mubiri ku buryo buhoraho;

AKICIRO KA 2: ISUKU AHACURURIZWA AMATA

Ingingo ya 85: Uruhushya ruhabwa ushaka gucuruza amata

Ucuruza amata agomba kugira icyemezo cyatanzwe n’urwego rubufitiye ububasha.

Ingingo ya 86: Ibyo inyubako icururizwamo amata igomba kuba yujuje

Inyubako ikorerwamo ubucuruzi bw’amata igomba kuba:

- a) ifite uruhushya rwo gukorerwamo rutangwa n’urwego rubifitiye ububasha (occupational permit);
- b) ifite ibikoresho byabugenewe byo gukaraba intoki;
- c) ahakikije inyubako hatari ivumbi cyangwa icyondo (hari ubusitani cyangwa pavement);
- d) ifite isuku ihagije kuva hasi kugeza ku gisenge;
- e) ifite umwuka uhagije;
- f) ifite icyumba gisukuye banyweramo amata;
- g) ifite amazi ahagije;
- h) ifite ubwiherero buhagije;
- i) ifite uburyo bwo gucunga mazi yanduye;

Ubucuruzi bw'amata ntibugomba kuvangwa n'ubundi bucuruzi.

Ingingo ya 87 : Ibikoresho by'ingenzi bikenerwa ahacururizwa amata :

Ibikoresho by'ingenzi ahacururizwa amata ni ibi bikurikira:

- a) igikoresho cyabugenewe gipfundikirwa cyo gushyiramo umwanda kandi kikagirirwa isuku ;
 - b) akabati gafite ibirahure ko kubikamo ibikoresho ;
 - c) akuma gafata amasazi n'utundi dusimba ;
 - d) icyuma gikonjesha cyo kubikamo amata;
 - e) aho kogereza ibikoresho byakoreshejwe hari amazi ashyushye n'akonje.
- Amata bagomba gutwarwa mu modoka zabugenewe kandi ari mu bicuba byabugenewe (Aluminium).

Ingingo ya 88: ibisabwa abakozi bakora mu bucuruzi bw'amata

Abakozi bakora ahacururizwa amata bagomba kuba bujuje ibi bikurikira:

- d) gusuzumwa indwara zandura buri mezi atatu;
- e) kwambara imyenda y'akazi yabugenewe igihe cyose bari mu akazi (itaburiya n'ingofero, by'umweru);
- f) kugira isuku ku mubiri ku buryo buhoraho.

ICYICIRO CYA V: ISUKU AHAKORERWA IMIRIMO YO GUSYA IMYAKA

Ingingo ya 89: Isuku y'ahakorerwa umurimo wo gusya imyaka

Inyubako yagenewe umurimo wo gusya imyaka igomba kuba yujuje ibi bikurikira:

- a) aricyo yagenewe;
- b) ifite uruhushya rutangwa n'Ubuyobozi bubifitiye ububasha (occupational permit);
- c) ifite urwambariro bw'abakozi;
- d) ifite ubwogero bw'abagabo n'abagore;
- e) ifite uburyo bwo kubika no gufata amazi y'imvura;
- f) ifite uburyo bwo gucunga amazi yanduye;
- g) ifite igikoresho kijyamo imyanda gipfundikiye kandi kikagirirwa isuku;
- h) ifite ubwiherezo bw'abagabo n'ubw'abagore kandi bukarangwa n'isuku;
- i) ifite amasezerano na sosiyeti/koperative ibatwarira imyanda;
- j) ifite icyumba cyo kubikamo imyaka n'ifu kandi ntibiterekwe hasi (hari pallets);
- k) ifite uburyo bwo gukumira no guhangana n'inkongi;

Abakozi bagomba:

- l) kwambara imyenda y'akazi yabugenewe (itaburiya y'ibara ryera, igofero n'agapfukamazuru);
- m) kugira ubwishingizi bw'impanuka bafatiwe n'umukoresha;
- n) guteganya umwambaro w'abashyitsi bakeneye gusura imirimo ihakorerwa;
- o) guhabwa amata y'inka litiro imwe ku munsu;
- p) gusuzumwa indwara zanduza ku ivuriro rya leta mbere yo gutangira akazi na buri mezi ane.

UMUTWE WA VI: ISUKU MU NGANDA, AHAKORERWA IMIRIMO YO KUBAZA, AMAGARAJI N'AHO IMODOKA ZOGERA

ICYICIRO CYA MBERE: ISUKU MU NGANDA

Ingingo ya 90: Uruhushya ruhabwa ushaka gukora uruganda

Uruganda rugomba kugira uburenganzira bw'uwo umurimo butangwa n'urwego rubifitiye ububasha.

Ingingo ya 91: icyemezo gitangwa ku nyubako ikorerwamo n'uruganda

Inyubako ikorerwamo n'uruganda igomba kuba ifite uruhushya rwo gukorerwamo rutangwa n'urwego rubifitiye ububasha (occupation permit).

Ingingo ya 92: Ibyo uruganda rusabwa rugomba kuzuza

Uruganda rugomba kugira ibi bikurikira:

- a) amazi ahagije;
- b) ubwiherero buhagije bw'abagabo n'ubw'abagore kandi buhorana isuku;
- c) ubwogero buhagije ku bagore n'abagabo;
- d) uburyo bwo gufata amazi y'imvura;
- e) uburyo bwo gutunganya amazi yanduye;
- f) ibikoresho byo gushyiramo imyanda byabugenewe;
- g) uburyo bwihariye bwo gucunga imyanda y'uruganda;
- h) gahunda ihamye yo kurinda ubuzima bw'abakozi (healthy policy);
- i) uburyo bwo gukumira no kurwanya inkongi.

Ingingo ya 93: Ibyo abakozi b'uruganda bagomba kuba bafite

Abakozi bagomba kugira ibi bikurikira:

- a) Imyambaro y'akazi yabugenewe kandi bakayambara igihe cyose bari mu kazi;
- b) bafite ubwishingizi bw'impanuka bafatiwe n'umukoresha n'ubundi burwayi bwakomoka ku murimo akora;
- c) bahabwa amata y'inka litiro imwe ku munsu;
- d) bipimisha indwara zandura ku ivuriro rya Leta mbere yo gutangira akazi na buri mezi ane.

ICYICIRO CYA II: ISUKU AHAKORERWA IMIRIMO YO KUBAZA

Ingingo ya 94: Uruhusya rwo gukora ibarizo

Ibarizo rigomba kugira uruhushya rutangwa n'urwego rubifitiye ububasha.

Ingingo ya 95: Ibyo inyubako ibarizwamo igomba kuba yujuje

Inyubako ibarizwamo igomba kuba:

- a) yitaruye amazu atuwe, nibura metero 100;
- b) ifite ubwiherero busukuye;
- c) Ifite uburyo bwo gufata amazi y'imvura;
- d) ifite igikoresho cyo gushyiramwo imyanda ;
- e) ifite aho gushyira ibarizo.

Ingingo ya 96 : Ibisabwa abakozi bakora imirimo y'ububaji

Abakozi bagomba kugira

- a) imyambaro y'akazi yabugenewe ;
- b) Ibikoresho byo kubarinda mu myanya y'ubuhumekero (masks).

ICYICIRO CYA III: ISUKU AHOGEREZWA IMODOKA

Ingingo ya 97: ibyo ikinamba kigomba kuba cyujuje

kugirango ikinamba gikore hagomba ibi bikurikira:

- a) gifite uruhushya rutangwa n'urwego rubifitiye ububasha ;

- b) gifite imbuga nziza yubakishijwe "concrete" yo kogerezamo imodoka;
- c) gifite icyemezo gitangwa n'ikigo gifite ibidukikije mu nshingano zacyo;
- d) gifite uburyo bwo kubika amazi ;
- e) gifite aho kubika ibikoresho ;
- f) gifite urwambariro rw'abakozi ;
- g) gifite aho abogesha imodoka bicara bategereje;
- h) gifite uburyo bwo gutandukanya amazi n'amavuta(ibyobo byabugenewe);
- i) gifite aho guhagarika imodoka hahagije kandi hazitiye ku buryo ibikorwa byose bikorerwa imbere;
- j) gifite ibikoresho bizimya umuriro bihagije;
- k) gifite ubwiherero buhagije kandi bufite isuku;
- l) gifite ubwishingizi.

Ingingo ya 98: ibisabwa abakozi bakora ku kinamba

Abakozi bagomba kuba bafite imyambaro y'akazi yabugenewe.

ICYICIRO CYA IV: ISUKU MU MAGARAJI

Ingingo ya 99: Isuku mu magaraji

Igaraji rigomba kuba rifite ibi bikurikira:

- a) rifite icyemezo cyo gukora bahawe n'urwego rubifitiye ububasha;
- b) rifite ibikoresho bizimya umuriro bihagije;
- c) rifite uburyo bwo gucunga amazi yanduye;
- d) rifite imbuga yubakiye neza (itariho ivumbi cyangwa icyondo);
- e) rifite amazi ahagije, ubwiherero n'aho kogera;
- f) rifite ibyumba bihagije (aho kubika ibikoresho, aho abakozi bahindurira imyenda n'ibiro);
- g) rizitiye ku buryo ibikorwa byose bikorerwamo imbere;
- h) rifite icyemezo gitangwa n'ikigo gifite kubungabunga ibidukikije mu nshingano zacyo;
- i) rifite ubwiherero buhagije kandi busukuye.

Ingingo ya 100: ibisabwa abakozi bakora mu igaraji

Abakozi bagomba kuba bafite imyambaro y'akazi yabugenewe (gloves, masks and goggles).

UMUTWE WAVII: ISUKU MU NYUBAKO ZINYURANYE

ICYICIRO CYA MBERE: ISUKU MU NZU ZO GUTURWAMO

Ingingo ya 101: Inzu yo guturamo

Inzu yo kubamo igomba kuba:

- a) aricyo yagenewe;
- b) ifite icyangombwa gitangwa n'urwego rubifitiye ububasha (occupation permit);
- c) ifite ubuhumekero buhagije;
- d) ifite urumuri ruhagije;
- e) ifite uburyo bwo gufata amazi y'imvura;
- f) ifite imbuga isukuye kandi ifite ubusitani cyangwa ikoteye;
- g) ifite ubwiherero bufundikirwa kandi bufite isuku;
- h) ifite ubwogero bufite isuku;
- i) ifite aho gukarabira intoki imbere y'ubwiherero;
buri rugo rugomba:
- j) kuvangura ibishingwe bibora n'ibitabora;
- k) kugira ibikoresho byo gushyiramo imyanda byabugenewe;
- l) kugirana amasezerano na koperative cyangwa sosiyete itwara imyanda.

Inzu ikoresha ubwiherero bwa kijyambere igomba kuba ifite icyobo cyo koherezamo amazi yanduye ava mu bwihherero (Spetic tank).

Ingingo ya 102: Ubusitani mu ngo no ku mihanda

Buri muturage w'Umujyi wa Kigali agomba:

- a) gutera ubusitani bw'umurimbo mu rugo rwe;
- b) gutera ibyatsi n'ibiti by'umurimbo hagati y'urugo rwe n'umuhanda aturiye kandi akabyitaho.

ICYICIRO CYA II: ISUKU MU MAZU Y'UBUCURUZI

Ingingo ya 103: Ibisabwa mu mazu y'ubucuruzi

Inzu y'ubucuruzi igomba kuba:

- a) yarubakiwe ako kazi;
- b) ifite icyangombwa cyo gukorerwamo gitangwa n'urwego rubifitiye ububasha (occupational permit);
- c) ifite ubuhumekero n'urumuri bihagije;
- d) ifite inkuta zisukuye, zisize irangi cyangwa zitatswe, hasi hakoteye na sima ;
- e) ifite ubwiherero buhagije n'aho gukarabira hafite isuku;
- f) ifite uburyo bwo gufata amazi y'imvura;
- g) ifite uburyo bwo gucunga amazi yanduye;
- h) ifite ibikoresho byo gushyiramo imyanda byabugenewe, hatandukanywa ibora n'itabora ;
- i) ifite uburyo bwo kurwanya no guhangana n'inkongi;
- j) iteyeho ibiti cyangwa indabo;
- k) ifite pavement imbere y'inyubako ikoreshejwe amatafari yabugenewe;
- l) ifite isuku muri rigore ziyikikije.

Ingingo ya 104: Isuku mu mabanki n'ibigo byigenga

Banki n'ibindi bigo byigenga bigomba kuba byujuje ibi bikurikira:

- a) inyubako zitagenewe guturwamo;
- b) inyubako ifite uruhushya rwo gukorerwamo rutangwa n'urwego rubifitiye ububasha (occupational permit);
- c) kugira kuba ubusitani cyangwa "pavement" ahakikije inyubako (nta vumbi cyangwa icyondo);
- d) gufata amazi y'imvura ava ku bisenge by'amazu;
- e) kugira isuku hasi ku nkuta no ku gisenge by'inyubako bakoreramo;
- f) kugira inyubako ifite ubuhumekero karemano buhagije cyangwa "air conditionner";
- g) kugira ubwiherero buhagije , busukuye kandi butandukanye ku bagore n'abagabo;
- h) ubwiherero ntibugomba gufungwa ;
- i) kugira ubwiherero bwubakishije amakaro kugeza kuri metero 1.5;
- j) kugirana amasezerano na sosiyete itwara imyanda ahabugenewe.

UMUTWE WA VIII: ISUKU KU MIHANDA NO MU BUSITANI RUSANGE

ICYICIRO CYA MBERE: ISUKU KU MIHANDA

Ingingo ya 105: Isuku ku mihanda n'ubusitani rusange

Buri muhanda wo mu mujyi wa Kigali ugomba kuba wujuje ibi bikurikira:

- a) uhora usukuye;
 - b) inkengero zawo ziteweho ubusitani kugera kuri metero 6 kandi bufashwe neza;
 - c) utarunzeho bishingwe;
 - d) ufite sosiyete iwukoraho isuku buri muni;
- birabujijwe:
- e) guta imyanda iyo ari yo yose ku muhanda;

- f) kwihagarika no gucira ku muhanda;
- g) gukandagira mu busitani bwo ku muhanda.

Ingingo ya 106: Ibisabwa abakozi bakora isuku ku mihanda

Abakozi bakora isuku ku muhanda bagomba kuba bambaye imyambaro y'akazi yabigenewe (itaburiya, bote, agapfukamazuru, gloves na jackets).

ICYICIRO CYA II: ISUKU MU BUSITANI RUSANGE

Ingingo ya 107: Isubiranya ry'ibyangijwe mu busitani no ku bindi bikorwa remezo

Bitabangamiye ibihano biteganywa n'amategeko, umuntu uwo ariwe wese wangije, ugonze igiti cy'umurimbo (umukindo, Tuya, Filao, Arokariya,...) ubusitani cyangwa ibindi bikorwa remezo agomba kwishyura igiciro cy'ibyangijwe.

Muri aya mabwiriza, mu gusubiranya ibyangijwe mu busitani rusange no ku bindi bikorwa remezo, hishyurwa amafaranga ku buryo bukurikira:

1. umukindo awishyura amafaranga y'u Rwanda miliyoni imwe (1,000,000);
2. itara ry'imitwe ibiri ryishyurwa miliyoni ebyiri n'ibihumbi magana atanu (2,500,000);
3. itara ry'umutwe umwe ryishyurwa miliyoni ebyiri n'ibihumbi magana atatu (2,300,000);
4. borudire (metero imwe) yishyurwa ibihumbi makumyabiri na bitanu (25,000);
5. itara riyobora ibinyabiziga ryishyurwa miliyoni cumi n'eshanu (15,000,000);
6. ubusitani n'indabyo zo ku muhanda (metero kare) yishyurwa ibihumbi mirongo itatu (30,000).

Ingingo ya 108: Kurinda iyangizwa ry'ubusitani rusange

- a) nta gikorwa icyo aricyo cyose cyemerewe gukorerwa mu busitani rusange kitabiherewe uruhushya n'urwego rubifitiye ububasha;
- b) buri wese wangije ubusitani agomba kubahiriza ibiteganywa n'ingingo ya 107.

UMUTWE WA IX: ISUKU MU BISIGARA BYA LETA NO MU BIBANZA BITUBATSE

Ingingo ya 109: Isuku mu bibanza bitubatse n'amazu atuzuye

bitanyuranyije n'amasezerano y'ubukode bw'ikibanza, nyiracyo agomba kwita kuri ibi bikurikira:

- a) isuku yacyo no mu mpande zacyo hose;
- b) kudahingamo imyaka;
- c) gutera ibyatsi bibuza itaka kugwa mu miyoboro y'amazi no mu mihanda;
- d) gufata amazi yo mu kibanza ntabangamire abaturanyi.

Ingingo ya 110: Isuku y'ibisigara bya Leta

Ubuyobozi bw'Umurenge bugomba kwita buri gihe ku isuku y'ahantu hari igisigara cya Leta, ahandi hose hari ubutaka bwa Leta n'ibindi bibanza bidafite ba nyirabyo.

Iki gikorwa gishyirwa muri gahunda zihoraho z'umuganda rusange.

UMUTWE WA X: INGINGO ZINYURANYE N'IZISOZA

Ingingo ya 111: Ibyemezo bifatirwa utubahirije aya mabwiriza

Bitabangamiye ibiteganywa n'aya mabwiriza, umuntu wese utubahirije ibijyanye n'isuku mu Mujyi wa Kigali afatirwa ibyemezo kandi akishyura amahazabu atarenze ateganyijwe ku mugereka wometse kuri aya mabwiriza:

Ingingo ya 112: Ibirebana n'ibidateganyijwe muri aya amabwiriza

Ibidateganyijwe n'aya mabwiriza, hazakurikizwa amategeko n'andi mabwiriza biriho

Ingingo ya 113: Ibijyanye no kunganira andi mabwiriza

Aya mabwiriza yunganira andi yihariye ashwirwaho na za Minisiteri zifite isuku, mu nshingano

Ingingo ya 114: Ivanwaho ry'andi mabwiriza anyuranyije n'aya

Ingingo zose z'amabwiriza n° 04/06 yo kuwa 02/07/2006 y'Inama Njyanama y'Umujyi wa Kigali yererekeye isuku mu Mujyi wa Kigali n'izindi zinyuranyije n'aya mabwiriza zivanyweho.

Ingingo ya 115: Igihe aya mabwiriza atangirira gukurikizwa

Aya mabwiriza atangira gukurikizwa umunsi atangarijweho mu Igazeti ya Leta ya Repubulika y'u Rwanda.

Bikorewe i Kigali, kuwa 23/10/2011

(Sé)

Dr. SEBASHONGORE Dieudonné

Umuyobozi w'Inama Njyanama y'Umujyi wa Kigali

(Sé)

UWIMBABAZI Pélagie

Umunyamabanga w'Inama Njyanama y'Umujyi wa Kigali

UMUGEREKA KU MABWIRIZA N° 01/11 YO KUWA 23/11/2011 Y'INAMA NJYANAMA Y'UMUJYI WA KIGALI YEREKEYE ISUKU MU MUJYI WA KIGALI UGENA AMAHAZABU N'UBURYO BWO GUSUBIZAHO IBYANGIJWE

1. ISUKU RUSANGE

IKOSA	ICYEMEZO CYAFATWA	AMAHAZABU (Frw)
Kumena ibishingwe ahatabugenewe	Gusubiranya ibyangijwe	10,000
Imodoka itwaye imyanda idapfundikiye cyangwa imodoka igenda imena imyanda mu muhanda.	Gusubiranya ibyangijwe	10,000
Kwituma ku gasozi	Gusubiranya ibyangijwe	10,000
Gushyira ibikoresho by'Ubwubatsi ku imihanda	Gusubiranya ibyangijwe	10,000
Gucira ku muhanda		5000
Kutishyurira imyanda	Kwishyirira imyanda	10,000
Amazi yakoreshejwe mu ngo yayobowe mu miyoboro y'amazi y'imvura	Gusubiranya ibyangijwe	10,000
Kudakora isuku ku nkengero z'urugo	Kuhasukura	10,000
Gukandagira mu busitani	Gusubiranya ibyangijwe	10,000
Kugonga umukindo	Gusubiranya ibyangijwe	10,000
Kwangiza igiti gisanzwe	Gusubiranya ibyangijwe	10,000
Kudasiga irange inyubako (amabati ashaje n'inkuta)	Gusiga irangi	10,000
Kutagira vase imbere y'inyubako icururizwamo	Gushyiraho vase	10,000
Kutagira igikoresho cyabugenewe cyo gushyiramo imyanda	Kugishyiraho	10,000
Kutagira ubwiherero	Kubaka ubwiherero	10,000
Kujugunya icupa ry'amazi n'indi myanda mu muhanda	Gukuraho iyo myanda cyangwa icupa	10,000

2. RESITORA

AMAKOSA	ICYEMEZO CYAFATWA	AMAHAZABU(Fr)
INYUBAKO		
Kutagira uruhushya rwo gukora Resitora	Guhagarikwa	10,000
Kuba yaragenewe guturwamo	Guhagarikwa	10,000
Kutagira occupational permit	Guhagarikwa by'agateganyo	10,000
Kutagira uburyo bwo gucunga amazi yanduye	Guhagarikwa by'agateganyo	10,000
Kutagira ubuhumekero buhagije	Guhagarikwa by'agateganyo	10,000
Kuba ahakikije inyubako hari igitaka	Gutera ubusitani/ pavement	10,000
Kuba inzu iteye irangi ritari iryera cyangwa "cream"	Guhagarikwa by'agateganyo	10,000
Kutagira igikoni cyubakishije amakaro hasi no ku nkuta nibura kugeza kuri m 1.5	Guhagarikwa by'agateganyo	10,000
Kutagira uburyo bwo gusohora umwotsi n'ubushyuhe mu gikoni(fume and heat extractor)	bushyirwaho	10,000
Kutagira ububiko bukwiye	bushyirwaho	10,000
Kuba yegereye ahamenwa imyanda	Guhagarikwa	10,000
Kuba ifatanye n' amazu atuwemo	Guhagarikwa by'agateganyo	10,000
Kutagira uburyo bwo kubika no gufata amazi	Bishyirwaho	10,000

y'imvura		
Kutagira ahakarabirwa intoki mbere yo kwinjira mu gikoni	Hashyirwaho	10,000
Kutagira uburyo bwo gukumira no guhangana n'inkongi	Bushyirwaho	10,000
Kutagira urwambariro rw'abakozi	Guhagarikwa by'agateganyo	10,000
Kutagira ubwiherero buhagije	Guhagarikwa by'agateganyo	10,000
Kutagirana amasezerano na sosiyete itwara imyanda	Kuyishaka	10,000
Kugemura ibiryo nta uruhushya rw'Umurenge batekeramo	Guhagarikwa	10,000
ABAKOZI		
Umukozi utarasuzumwe indwara zanduza mbere yo gutangira akazi na buri mezi ane ku ivuriro rya Leta (igituntu, inzoka zo mu nda, tifoyide n'indwara z'uruhu)	Guhagarika akazi	5000
Umukozi utambaye umwambaro w'akazi (itaburiya yera, ingofero n'inkweto zera ku bakora mu gikoni)	Guhagarika akazi akabanza kuwambara	5000
Kutagira umukozi ufite ubumenyi mu isuku y'ibiribwa	Kumushaka	10,000
Umukozi udafite isuku (guca inzara, kutazisiga vernis, kutambara impeta)	Guhagarika akazi	5000
Ibikoresho		
Ameza atari Aluminium ategurirwaho mu gikoni	Kuyashyiraho	10,000
Kutagira puberi ipfunduzwa ikirenge	Kuyishyiraho	10,000
Kutagira akabati k'ibirahure kabikwamo ibikoresho byo ku meza	Kugashyiraho	10,000
Kutagira igikoresho kijyamo isabune y'amazi	Kugishyiraho	5000
Kutagira igikoresho cyo kumutsa intoki nyuma yo gukaraba	Kugishyiraho	10,000
Kutagira igikoresho gishyushya amazi ahogerezwa (water heater)	Guhagarikwa by'agateganyo	10,000
Kuvanga ibiribwa bitemerewe kuvangwa	Kubijugunya	10,000
Kutagira ibikoresho byo kuzimya umuriro	Kubishaka	10,000
Gucamo serviets		10,000
Ibikoresho byo ku meza bidahagije	Kubyongera	10,000

3. AMACUMBI

AMAKOSA	ICYEMEZO CYAFATWA	AMAHAZABU (Frw)
Kuba yaragenewe guturwamo	Guhagarikwa	10,000
Kutagira uruhushya rwo gukora nk'icumbi	Guhagarikwa	10,000
Kutagira uruhushya rwo gukorerwamo (ocupation permit)	Guhagarikwa	10,000
Kutagira amazi n'umuriro	Guhagarikwa	10,000
Kutagira uburyo bwo gucunga imyanda y'amazi	Guhagarikwa by'agateganyo	10,000
Kuba buri cyumba kidafite ubwiherero n'ubwiyuhagiriro	Guhagarikwa by'agateganyo	10,000

Kutagira aho kumesera no guterera ipasi	Guhagarikwa by'agateganyo	10,000
Kutagira icyumba kibikwamo ibisaswa kandi gihorana isuku	Kugishaka	10,000
Kutagira ubuhumekero karemano buhagije cyangwa ubwa kijyambere (Air conditioner)	Guhagarikwa by'agateganyo	10,000
Kutagira urumuri ruhagije	Kurushyiraho	10,000
Kuba ahakikije inyubako hari igitaka nta busitani cyangwa imbuga itunganyije "pavement"	Guhagarikwa by'agateganyo	10,000
Kuba inyubako itarimo amazi ashyushye	Kuyashyiramo	10,000
Kutagira uburyo bwo kurwanya udukoko (hatari utuyunguruzo mu myanya y'ubuhumekero)	Kubushyiraho	10,000
Kutagira uburyo bwo gufata amazi y'imvura	Kubushyiraho	10,000
Kuba idasize irangi rikeye kandi rituje mu byumba (iryera cyangwa <i>cream</i>)	Guhagarikwa by'agateganyo	10,000
Kutagira uburyo bwo gukumira no kurwanya inkongi y'umuriro	Kubushyiraho	10,000
Ibikoresho:		
Kutagira ibisaswa nibura bibiri kuri buri gitanda	Guhagarikwa by'agateganyo	10,000
Kutagira puberi mu bwiherezo	Kuzishaka	5000
Kutagira puberi mu cyumba	Kuzishaka	5000
Inkweto z'amazi zikoreshwa n'umukiriya urenze umwe	Kubikosora	10,000
Kutagira agasanduka k'ubutabazi bw'ibanze (first aid box)	Kugashyiraho	10,000
Kutagira ibikoresho byo kumesa no gutera ipasi, ibisaswa n'ibitambaro by'amazi	Guhagarikwa by'agateganyo	10,000
Kutagira ibikoresho byo kuzimya umuriro	Kubishaka	10,000
Kutagira amasezerano na sosiyete itwara imyanda	Kugirana amasezerano	10,000

4. AKABARI

AMAKOSA	ICYEMEZO CYAFATWA	AMAHAZABU (Frw)
Kutagira uruhushya rwo gukora Akabari	Guhagarikwa	10,000
Kuba yaragenewe guturwamo	Guhagarikwa	10,000
Kutagira occupational permit	Guhagarikwa by'agateganyo	10,000
Kutagira uburyo bwo gucunga amazi yanduye	Guhagarikwa by'agateganyo	10,000
Kutagira ubuhumekero buhagije	Guhagarikwa by'agateganyo	10,000
Kuba ahakikije inyubako hari igitaka	Gutera ubusitani/ pavement	10,000
Kuba inzu iteye irangi ritari iryera cyangwa "cream"	Guhagarikwa by'agateganyo	10,000
Kuba yegereye ahamenwa imyanda	Guhagarikwa	10,000
Kuba ifatanye n'amazu atuwemo	Guhagarikwa by'agateganyo	10,000
Kutagira uburyo bwo kubika no gufata amazi y'imvura	Bishyirwaho	10,000
Kutagira uburyo bwo gukumira no guhangana n'inkongi	Bushyirwaho	10,000
Kutagira urwambariro rw'abakozi	Guhagarikwa by'agateganyo	10,000
Kutagira ubwiherezo buhagije	Guhagarikwa by'agateganyo	10,000

Kutagirana amasezerano na sosiyete itwara imyanda	Kuyishaka	10,000
Kutagira uburyo bwo gukumira urusaku	Guhagarikwa by'agateganyo	10,000
Kutagira aho kunywera itabi hitaruye	Kuhashaka	10,000
Kuba imishito ikoreshwa kenshi	Kujugunya ibiriho	10,000
Gucuruza ibintu bitujuje ubuziranenge	Kubijugunya	10,000
Kutagira ibi bikurikira:		
Urwambariro rw'abakozi	Kurushyiraho	10,000
Lavabo iriho isabune n'igikoresho cyo kumutsa intoki " <i>hand drier</i> "	Kuyishyiraho	10,000
Igitebo imyanda gipfunduzwa ikirenge mu cyocyezo	Kugishyiraho	10,000
koperative cyangwa sosiyete iyitwarira imyanda	Kuyishyiraho	10,000
umuyoboro usohora umwotsi n'ubushyuhe mu cyocyezo hanze (chimney)	Kuwushyiraho	10,000
Akayunguruzo ko ku cyocyezo kadakoze muri Aluminium	Kugashyiraho	10,000
Umukozi utarasuzumwe indwara zanduza mbere yo gutangira akazi na buri mezi ane ku ivuriro rya Leta (igituntu, inzoka zo mu nda, tifoide n'indwara z'uruho)	Guhagarika akazi	5000
Umukozi utambaye umwambaro w'akazi (itaburiya yera, ingofero n'inkweto zera ku bakora mu gikoni)	Guhagarika akazi akabanza kuwambara	5000
Umukozi udafite isuku (guca inzara, kutazisiga vernis, kutambara impeta)	Guhagarika akazi	5000

5. AMASOKO

AMAKOSA	ICYEMEZO CYAFATWA	AMAHAZABU(Frw)
Gucururiza ibyo kurya cyangwa ibinyobwa hasi ku butaka	Kujugunya ibyo biribwa	10.000
Kuvanga ubucuruzi bw'inyama n'amafi n'ibindi bicuruzwa	Kujugunya amafi n'inyama bibitse nabi	10.000
Gutwara inyama n'amafi mu modoka itarabugenewe	Kujugunya ayo mafi cyangwa izo nyama	10.000
Gucuruza ibintu bidafite ubuziranenge mu isoko	Kujugunya ibitujuje ubuziranenge	10.000
Utubahirije isuku isabwa ku bucuruzi bw'amata mu isoko	Guhagarikwa	10.000
Kutagira isuku y'aho ukorera	Kuhasukura	10.000
Gucururiza amatungo mu isoko ritabigenewe	Guhagarikwa	10.000

6. AHO BOGOSHERA N' AHO BATUNGANYIRIZA IMISATSI

AMAKOSA	ICYEMEZO CYAFATWA	AMANDE (Frw)
Kutagira aho kubika ibikoresho	Kuhashaka	10,000
Kutagira igitebo cyo kumenamo umwanda w'umusatsi n'indi myanda yose yahaboneka	Kugishaka	10,000
Kutagira aho gukarabira mu mutwe habugenewe	Kuhateganya	10,000

Kutagira ubwiherero	Guhagarikwa by'agateganyo	10,000
Kutagira icyobo cyabugenewe cyo gushyiramo amazi yanduye	Guhagarikwa by'agateganyo	10,000
Kutagira ibikoresho bya salon bihagije kandi bifite isuku	Kubishaka	10,000
Kutagira icyuma gisukura imashini zogosha (sterilisateur)	Guhagarikwa by'agateganyo	10,000
Gukoresha abakozi batapimwe indwara zanduza na muganga nibura rimwe mu mezi ane	Guhagarikwa by'agateganyo	10,000
Kutagira icyangombwa kiguha uburenganzira bwo gukora umurimo wa saloon	Guhagarikwa by'agateganyo	10,000

7. IKIDENDEZI CYO KOGERAMO (SWIMMING POOL)

AMAKOSA	ICYEMEZO CYAFATWA	AMAHAZABU (Frw)
Kuba ibipimo by'ubujyakuzimu bitagaragara	Kubigaragaza	10,000
Ibyuma byubakishije bigwa umugese	Kubihindura	10,000
Kuba nta muyoboro uzegurutswe ubuza andi mazi gutemberamo	Kuwushyiraho	10,000
Kutagira uruhushya rutangwa n'urwego rubifitiye ububasha	Guhagarikwa by'agateganyo	10,000
Kutubahiriza ibipimo bya Cl na P ^H	Guhagarikwa by'agateganyo	10,000
Gukoresha imiti itemewe muri pisine	Guhagarikwa by'agateganyo	10,000
Kuba amazi ariho imyanda ireremba	Guhagarikwa by'agateganyo	10,000
Kuba akayunguruzo k'amazi katarimo gukora (continuous filtration)	Kubikosora	10,000
Kutagira umukozi uhoraho ubihugukiwe ukurikirana ubwandu bw'amazi (kuba afite nibura impamyabumenyi y'amashuri yisumbuye mu binyabuzima n'ubutabire n'amahugurwa ku by'ikidendezi cyo kogeramo)	Guhagarikwa by'agateganyo	10,000
Kutagira aho gukarabira mbere yo koga	Kuhashyiraho	10,000
Kudahindura amazi nkuko bisabwa	Kuyahindura	10,000

8. AHO IMODOKA ZINYWERA AMAVUTA

AMAKOSA	ICYEMEZO CYAFATWA	AMAHAZABU (Frw)
Kutagira ubwiherero busukuye	Guhagarikwa by'agateganyo	10,000
Kutagira pavement n'ubusitani /hari igitaka	Guhagarikwa by'agateganyo	10,000
Kutagira igikoresho cyo gushyiramo imyanda ikomeye cyabugenewe	Kugishyiraho	10,000
Kutagira ibikoresho cyo kuzimya umuriro	Kubishyiraho	10,000
Kutagirana amasezerano n'ishyirahamwe ritwara imyanda	Kuyishyiraho	10,000
Kutagira umukozi uhugukiwe n'ibyo kurwanya inkongi	Kumushyiraho	10,000

9. AHAKORERWA IMIGATI

AMAKOSA	ICYEMEZO CYAFATWA	AMAHAZABU (Frw)
Kutagira uruhushya rutagwa n'urwego rubifitiye ububasha	Guhagarikwa	10,000
Inzu itagira uruhushya rwo gukorerwamo rutangwa n'urwego rubifitiye ububasha	Guhagarikwa	10,000
Inzu idafite ubuhumekero n'urumuri bihagije	Kubishyiraho	10,000
Inzu idafite isuku hasi, ku nkuta no ku gisenge	Gusukura	10,000
Kutagira amazi ashyushye	Guhagarikwa by'agateganyo	10,000
Kutagira uburyo bwo gukumira no guhangana n'inkongi y'umuriro	Kubushyiraho	10,000
Kutagira uburyo bwo kubika amazi no gufata amazi y'imvura	Kubushyiraho	10,000
Kutagira aho bashyira imigati mu bifuniko byabugenewe	Kuhashyiraho	10,000
Kutagira ahavangirwa ifarini habigenewe	Guhagarikwa by'agateganyo	10,000
Kutagira urwambariro rw'abakozi	Kurushyiraho	10,000
Kutagira igikoresho kijyamo imyanda gifunduzwa ikirenge	Kugishyiraho	10,000
Kutagira ahabikwa ifarini n'ibindi bikoresho by'imigati hatagera ubuhehere (humidity)	Guhagarikwa by'agateganyo	10,000
Kutagirana amasezerano na sosiyete itwara imyanda	Kuyishyiraho	10,000
Kutagira ubwiherero bw'abagabo n'ubw'abagore busukuye	Guhagarikwa by'agateganyo	10,000
Kutagira ubwogero butandukanye ku bagore n'abagabo	Guhagarikwa by'agateganyo	10,000
Kutagira ubwishingizi bw'impanuka ku bakozi	Guhagarikwa by'agateganyo	10,000
Abakozi batambaye imyambaro y'akazi	kuyambara	10,000
Abakozi batasuzumwe indwara zanduza	Guhagarikwa by'agateganyo	10,000

10. IMASHINI ITUNGANYA AMATA

AMAKOSA	ICYEMEZO CYAFATWA	AMAHAZABU (Frw)
Gukora imirimo yo gutunganya amata utabifitiye uburenganzira	Guhagarikwa by'agateganyo	10,000
Gukora imirimo yo gutunganya amata utagira imashini iteka amata	Kuyishaka	10,000
Gucuruza amata yangiritse	Kuyabikira/ kuyabogora	10,000
Kutagira icyuma gikonjesha cyo kubikamo amata mu cyumba cyabugenewe	Guhagarikwa by'agateganyo	10,000
Kutagira «lactometre» yo gupima ko nta bintu bindi byavanzwe n'amata (amazi n'ibindi)	Kuyishaka	10,000
Kutagira isuku y'ibikoresho	Guhagarikwa by'agateganyo	10,000
Kutagira icyobo cy'amazi yanduye	Guhagarikwa by'agateganyo	10,000
Gukoresha abakozi batapimwe indwara zanduza na muganga	Guhagarikwa by'agateganyo	10,000

11. AHO BACURURIZA AMATA

AMAKOSA	ICYEMEZO CYAFATWA	AMAHAZABU (Frw)
gukora ubucuruzi bw'amata udafite uburenganzira butangwa n'Umurenge	Guhagarikwa by'agateganyo	10,000
Gukora ubucuruzi bw'amata mu nyubako itujuje ibyangombwa	Guhagarikwa by'agateganyo	10,000
Kutagira icyuma cyo guterekamo amata kandi cyiyakonjesha	Guhagarikwa by'agateganyo	10,000
Gucuruza amata yangiritse	Kuyabogora	10,000
Kutagira amazi ahagije	Guhagarikwa by'agateganyo	5,000
Kutagira igitebo cyo kumenamo imyanda (Poubelle)	Kugishaka	10,000
Kutagira isuku y'ibikoresho, isuku y'abakozi n'aho bakorera	Guhagarikwa by'agateganyo	10,000
Kutagira ubwiherero	Guhagarikwa by'agateganyo	10,000
Kutagira imiyoboro y'amazi yanduye n'ay'imvura hamwe n'ibyobo by'amazi yanduye	Guhagarikwa by'agateganyo	10,000
Gukoresha abakozi batapimwe na muganga indwara zanduza	Guhagarikwa by'agateganyo	10,000

12. AHAKORERWA IMIRIMO YO GUSYA IMYAKA

AMAKOSA	ICYEMEZO CYAFATWA	AMAHAZABU
Gukoresha imashini nta burenganzira butangwa n'urwego rubishinzwe	Guhagarikwa	10,000
Gukoreshereza imashini mu nyubako itujuje ibyangombwa	Guhagarikwa	10,000
Kubika imyaka yo gusya hasi ku butaka	Guhagarikwa by'agateganyo	10,000
Kutagira ubwiherero	Guhagarikwa by'agateganyo	10,000
Kutagira aho kwiyuhagirira n'aho gukarabira	Guhagarikwa by'agateganyo	10,000
Kutagira amazi ahagije	Guhagarikwa by'agateganyo	10,000
Kutagira imiyoboro y'amazi y'imvura n'icyobo cy'amazi mabi	Guhagarikwa by'agateganyo	10,000
Kutagira umwambaro w'akazi na masque by'abakozi	Guhagarikwa by'agateganyo	10,000
Kutagira urwambariro rw'abakozi	Guhagarikwa by'agateganyo	10,000
Gukoresha abakozi batapimwe na muganga indwara zanduza	Guhagarikwa by'agateganyo	10,000

13. INGANDA

AMAKOSA	ICYEMEZO CYAFATWA	AMAHAZABU (Frw)
Kutagira:		10,000
Kutagira occupational permit	Guhagarikwa	10,000
Uburenganzira bwo gukora uruganda	Guhagarikwa	10,000
Amazi ahagije	Kuyashyiraho	10,000
Ubwiherero buhagije bw'abagabo n'abagore kandi buhorana isuku	Guhagarikwa by'agateganyo	10,000
Uburyo bwo gufata amazi y'imvura	Kubushyiraho	10,000

Uburyo bwo gutunganya amazi yanduye	Guhagarikwa by'agateganyo	10,000
Ibikoresho byo gushyiramo imyanda byabugenewe	Kubishyiraho	10,000
Uburyo bwihariye bwo gucunga imyanda y'urunganda	Guhagarikwa by'agateganyo	10,000
Uburyo bwo gukumira no kurwanya inkongi	Kubushyiraho	10,000
Kutuzuzanya iby'abakozi		
Imyambaro y'akazi yabugenewe kandi bakayambara igihe cyose bari mu kazi	Guhagarikwa by'agateganyo	10,000
Kudaha abakozi amata y'inka nibura litiro imwe ku munsu	Guhagarikwa by'agateganyo	10,000
Ubwishingizi bw'impanuka n'ubundi burwayi bwakomoka ku murimo akora ku bakozi bafatiwe n'umukoresha	Guhagarikwa by'agateganyo	10,000
Kwipimisha indwara zanduzanya buri mezi ane	Kubapimisha	10,000

14. IBARIZO

AMAKOSA	ICYEMEZO CYAFATWA	AMAHAZABU (Frw)
Gukora imirimo y'ibarizo nta burenganzira ufite bwa Minisiteri ifite inganda mu nsingano zayo	Guhagarikwa	10,000
Gukorera imirimo yo kubaza mu nyubako iri hagati mu mazu atuwemo	Guhagarikwa	10,000
Kutagira ubwihereho	Guhagarikwa	10,000
Kutagira imiyoboro y'amazi y'imvura	Guhagarikwa by'agateganyo	5,000
Kutagira igitebo cy'imyanda kutagira aho kurunda imyanda y'ibarizo	Guhagarikwa by'agateganyo	10,000
Abakozi batapimwe na muganga	Guhagarikwa by'agateganyo	10,000
Kudaha abakozi amata	Guhagarikwa by'agateganyo	10,000
Kutagira ibikoresho birinda abakozi	Guhagarikwa by'agateganyo	10,000

15. IGARAJI

AMAKOSA	ICYEMEZO CYAFATWA	AMAHAZABU (Frw)
Gukorera imirimo y'igaraji ahatujuje ibyangombwa	Guhagarikwa	10,000
Gukorera ahatari amazi	Guhagarikwa by'agateganyo	10,000
Kutagira Ubwihereho	Guhagarikwa by'agateganyo	10,000
Kutagira agasanduku k'imiti y'ibanze	Kugashyiraho	10,000
Kutagira imiyoboro y'amazi y'imvura n'icyobo	Guhagarikwa by'agateganyo	10,000

cy'amazi mabi akoreshwa muri garaji		
Kutagira umwambaro w'abakozi	Kuwushaka	10,000
Kutagira ibikoresho byabugenewe birinda abakozi ku mubiri (masks, goggles, gloves)	Kubishaka	10,000
Kutagira ibikoresho bizimya umuriro	Guhagarikwa by'agateganyo	10,000

Bikorewe, Kigali kuwa 23/10/2011

(Sé)

Dr. SEBASHONGORE Dieudonné
Umuyobozi w'Inama Njyanama
y'Umujyi wa Kigali

(Sé)

UWIMBABAZI Pélagie
Umunyamabanga w'Inama Njyanama
y'Umujyi wa Kigali